



**عطش وسنين**

**سعدى جبار مكلف**

الكتاب : عطش وسنين (شعر)

المؤلف : سعدي جبار مكلف

الطبعة الأولى : القاهرة ٢٠١٩

رقم الإيداع : ٢٠١٨ / ١٩٠٥١

الترقيم الدولي : 5 - 457 - 493 - 977 - 978 : I.S.B.N

---

الناشر

شمس للنشر والإعلام

٢٧ ش الثلاثين. برج الشانزليزيه. زهراء المعادي. القاهرة

ت فاكس : ٢٧٢٣٨٠٠٤ (٠٢) ، ٠١٢٨٨٨٩٠٠٦٥ (٠٢)

[www.shams-group.net](http://www.shams-group.net)

---

حقوق الطبع والنشر محفوظة

لا يسمح بطبع أو نسخ أو تصوير أو تسجيل

أي جزء من هذا الكتاب بأي وسيلة كانت

إلا بعد الحصول على موافقة كتابية من الناشر



# عطش و سئين

شعر شعبي

سعدى جبار مكلف

أستراليا - سيدني





## مقدمة

تمردت ذاكرتي ، ساورتني شكوك أناخت بأحلامي المتعبة ،  
أتصفح عوادي الأيام... فوجدت أشلائي ممزقة ، وبقايا  
مبعثرة ، عطشنا سنين ، وجعنا سنين ، غينا سنين الى  
طرشان الزمن ، غرباء محطات السفر ، فاقدى الشارع ،  
متنا من زمن بعيد بلا أكفان ولا توابيت ولم يودعنا أحد ،  
نحن النهر والصفاف والنخيل ، نرمى بالطوب والحجر ،  
ونعطي أحلى الثمر ، سنين وسنين ، عطش وعطش...  
يا أيلول ، يا أصدقاء العمر ، أريحوني فقد أتعبنى الزمن .



## العُرسُ المندائي

يا منبت النبت أزرع ، يا جادل الأكليل أجدلها ، متقياً وزكياً  
وأسمي بهم للمجد ، صغير أنا بين الأثيرين ولكن نفسي  
عظمت وأزدهرت ، حين سقيت من ثغر الفرات ، لتحرسك  
الملائكة الأبرار...

عروسته الخلو يله زفوها  
خلي الروح تمجع رسته لبسوها  
أسألوها عن الملواشة أسألوها.. أنشدوها  
هدم أبيض حالاته لايك أعليها  
منداي دارة الطيين والنخوة  
أشحلو مهرة  
علم عالي يرفرف طرز التاريخ  
من آدم ويهية أمأصلة الأجدود

نشع خير ومحبة وخير للموجود  
 هدم أبيض وطريانة وياس أبعاد  
 أعيونه تشع أيمان عطر أيزود  
 للعطشان ماي أبجود  
 خاشع رافع الجفين يا هبي  
 أحفظ ناسنه الطيين  
 كل الداي كل الناس  
 كل الناس المحبين  
 يله أبدي يگتر فرا  
 أردد أقره البوثات دمعي أيسيل  
 ظل حتى الفكر حاير تره أبأمره  
 أهن ساعة أهن ساعات  
 وأعيشن غافي أبكتره  
 أصبغنا يگتر فرا  
 وشيل من الكلب حسرة

ما أشعل شموع وياس  
بدهن أشعل العشرة  
طيبة أتفوح  
يا أهل المحبة وخير مسرة الروح  
أنه لابس الرسته التاغة  
أتعط عطر وبخور  
الهميانة ضوه وبلور  
الكليلة ديرم الغصة  
غصن الياس عل الهامة علامة نور  
يگتربرا عهد منذور الطريانة تتكلم  
خلها أدور ... خلها أتنور  
خلها تكتب ألنا أسطور  
تحجي قصة الأجيال  
زلم أسباع  
ما تركع أبد للغاع

ما نرضه الشمس تنباع  
 سامع بالشمس تنباع  
 مندايي الشمس ما تخمد وتلتاع  
 من آدم بدت من شيت والأتباع  
 جذور أوساع  
 ما تخمد لون تطبك عليها الكاع  
 ما تنباع ... ما تنباع  
 ما نقبل بعد أوداع  
 حلوة أطباع غطني أبساع  
 خذني للشريعة فدوى ترميذا  
 غطني أباي فدوة شوفتي عيدة  
 أحبه وروحي أتريدة  
 غطني مو ثلث مرات غطني أكثر  
 بلكي الروح تهجع من تحيس أيده  
 كثر لي بالمية

خلي أبغلبه حنيّة  
 خليني أعيش أبشمسه وبقيّة  
 أنتقاسم لكمة الخبزة  
 جوز ولوز أخلاص أو وفاة رمزة  
 شوكت يصبح أليّه ونكسر الكوزة  
 أبيت الرهمي گعدوني ... حلفوني  
 وهي أفديله أعيوني  
 وحگ الناس  
 وحگ ألكيلة رفع الراس  
 وحگ كل من فرض الياس  
 بجحتك درفش اليهية  
 خلها المرگنه أدور  
 يله أكسرنه الكاس  
 خلنا أنطگ راس أبراس  
 محبس ياس

شفت الكلة منصوبة البخور أيعط  
 بالطريان لا أتخطون خبز وقطع فضية  
 حطوا الروح والريّة  
 أفرشولاه الكلب خل يهجع أشوية  
 ثوب أخضر  
 وفاة وأخلاص ومعطر  
 سبع كاسات شربني من الهمرة  
 حط أسمه  
 بوسط گلبي أحبه وحابر بأمره  
 لاتسكيها بس اثنين  
 ضيف وياهة حنية محبة وشوگ  
 وفاة وأخلاص كتربرا  
 عهد كشطة من عمري على عمره  
 وهي صاينة العشرة  
 تظل روحي تحت كترة



أعيش أوياه على الحلوة على المرة  
 أحبته ألف مرة ألف مرة  
 الطريانة متربعة ... أهن تسعة  
 مثل شمعة .. حمل الوالده أمكدر الطلعة  
 حمل الوالدة تسعة  
 أبورد الجوري عطروني  
 أبماي الجاري أصبغوني  
 كغشطة وعهد بمتوني  
 يشيخ أكتب الملواشة  
 ترايني هو به بئ أهر  
 وحبيب العمر كتربرا  
 تره أمة مليحة وهو بر ياور  
 فص أهر  
 حط عيني بدل ياقوتة يلة أمهر  
 إذا ردتوا شذر مرصوص عل أيسر

محابس للمهر أعيوني تتصدر  
 أحط أكثر.. زيب ولوز  
 تمر وجوز  
 أصيرن لاه جسر لو جاه ضيم وعوز  
 عرسك فوز  
 يلة أكسر ألنه الكوز  
 خلي أشموعنا تضوي  
 خليها أهلاهل تصدح وتدوي  
 أشوكت العين تشبع منه وتروي  
 شوكت أيحل عليه الخل  
 خلنا أبجسد واحد حل حلال الخل  
 صبح خلي أليّة وبيه أنغزل  
 ثاني الكوز من هلهل  
 سمعت صوت أهلاهل والطبل يصهل  
 لا تفتحلي زناري ولا أفتحله زنارة

شدنه أبجلمة الكشطة  
أطفي من الكلب نارة  
يهييّ أحفظ الدارة  
خلي درفش اليهية علم عالي  
يعط أيمان أباداري يا ماري يا ماري  
بأسم الحي وبأسم العارف بالحي  
خلنا أنعيش شمس وفيّ  
أندب رافعة الراحاي  
بسم الحي بسم الحي

## ليل الدفو

دعيني أتأمل في عينيك بصمت ، فقد عصفت في أفق ذكرياتي  
أجراس الرحيل عندما طرقتها في الماضي ، نعم أجراس رحيلك  
يتملكني هاجس الألم ، وتعتريني رغبة الصراخ والثورة  
والعبث والجنون ، عيناى أستوطن فيهما الحزن الأبدي...  
لا تسألي من أكون...

منهو انه

لا تسألي منهو أنه

غربة وهموم وحزن

شوگ العمر

علگم سگانه

هو أدري منهو أنه

حتى گلچ

أنه حوم التاه من سرية

وبعد ضيع مچانه  
أنا چانون الدهر وجر أبدمع المحبة  
وچار بيه حتى زمانه  
ونحسب عشگه عليه  
وصار من أيام عمري  
ضاع كل شوگه وحنانه  
أنا نار أوجاغ دله  
شواط گهوه  
شاغت أمن أسنين تعبها الوكت  
ضيع هوانه  
آه يروحي  
ألما رست بأول عشگها  
قمت بدروب المحبة  
الغافية وتتني هوانه  
الدرب خالي  
أشلون لوعات الليالي

شوفي حالي  
 صرت ربان السفينة  
 المارسة مرة أعله چالي  
 صچچت دنای غبرة  
 لا تبالي  
 يا خسارة عمري الضايع أبوسفة  
 المالكة لهفة حنان  
 شوفي أنت وش جوالي  
 أنا ذاك الطير هايم  
 بين دفات العواصف  
 لاني گاعد لاني نايم  
 طير هايم  
 طير مكسور الجناح  
 وعشعشت بية المصاب  
 آه يا عمري الوفة بدنيه غشيمة  
 يا حريمة بين لوعات وسفر

أبلا وداع أبلا متاع  
يا حرمة الكهوة شاطت  
يا حرمة العمر أغبر  
چنت طليح النخل  
وعشوگ برحي  
أبريم سيحان  
وتبرزل شط أهله  
الگاع ملحي  
ماي قдах وعطر جوري وبنفسج  
فرحي.....فرحي  
والدمع وزر توالي الليل  
أوعي  
أصحي روعي  
هم تگولي هو صبحي  
شلون صبحي  
أشلون صبح بلايا غبشة

شوكت تصحه  
 آه ولچ غمچ يروحي  
 نوحى....نوحى  
 وأدرى وشل دمعچ  
 أعله أبلاش وشل  
 ونت همچ ذاك همچ  
 همچ أول مثل صاعود النخل  
 ما عاف گاعة  
 ساعة ساعة  
 أيام خيمتها الشموخ  
 بين سوگ الصيدلية وبين سياب المطر  
 والكلبيجات وخبز تنور أمى  
 الطعمة مازال أعلة حلگى  
 لا وحگ أعگال أبوى  
 الشال بيرغ عزته ولمة زلمنه  
 أنه....أنه



أنا سالوفة عشگ عشار ما ناسي مچانة  
ها عرفتي منهو أنه  
أترك العطاب يسعر  
يسعر أبعمرى ورفيف الشيب  
ليلو وطرز سمانه  
ها نياشيننا الغدر  
حنة عرس  
حنة أضلوعي أبفشگ شرحى لقانه  
هذا أنه هذا أنه

٢٠١٤\١٠\٣

مشغى الراهب غرقة ٨

سيدرني - أسرايا

## سفينة بلا شرع

من الأعماق إن شواطئ الصدق رائعة تناديننا ، ربما لا نصل  
إليها إذا لم نطلب الرحمة من الريح كيف نعيش بلا شرع،  
الموت، المشانق، الشهداء، السجن، الأمهات... الأخوات الذل  
بباب السجن... في لحظة واحدة يمكن أن يمر العمر ، ويستمر  
السؤال : لماذا...

گلنالک تحذر ناواراك الذيب  
ياجبهة التكض سطوة حراميهه  
گلنالک تحذر ذولة هممة أشباط  
وبقصر النهاية أعلام تلگيهه  
بيو روح العزيزة وريجة الطيين  
شيفيد العتب لو ثار سرگيهه  
كل الناس ألك والهور حتى أدهوك  
بس أشر نصب نيران تصليهه

چم نجمة الهوت بالكاع ونتة أتشوف  
 تدري أشباط الأسود هوة سايبهه  
 بده الطاعون يحصد يل غط الزينين  
 وسفة أعله النشامة أيموت حاديهه  
 ياسيد العفة أشلون تنسة أشباط  
 والعلم شربته وعفت صافيهه  
 يا ويلاح ملج الموت من ملكاه  
 أتغلس عن رفاقك هاي تاليهه  
 مهرة أمسرجة ليلو وعكد ألماس  
 كلي أشلون ترفض تركب أعليهه  
 أكحيلة من قهدها أبريح ما تجفل  
 جناجلها ذهب لايج أبرجليهه  
 أحنا أهل الجسر والراضعين الطيب  
 تاليها أجماية ذيب نرضيهه  
 ماحسبت چم سجة القطار الموت

چم شمعۃ أنطفت أشلون تنسيهه  
 يا جبهۃ وعهد ميثاق موت و دم  
 يا حلمۃ التوگف غدر ناويهه  
 هذولة هم بشر و دگ معاهم ساس  
 ناوين أعله چتلك نار طفيهه  
 وسفة وألف وسفة أخواني كلها أتموت  
 وأنتۃ أسکوت صابك ما تسل بيهه  
 ولا حتى الجفن بالليل فز وصاح  
 ظل الموت يحصد كل معاليهه  
 يا جبهۃ الگشره يا خزي ياعار  
 يا بيرغ الذل بكل معانيهه  
 يا ميثاق الأگشر دونوه أبدم  
 تعمۃ العين من نذكر أسامييهه  
 يا بيرغ الذل وتفگۃ الغدار  
 چم موت العصف برگاب واليهه

زعاطيط الوكت والطوش والعاجول  
 أتوزع بالمنايا أبشور طاغيهه  
 عرفناها المنايا أدگ على ألبیان  
 دخل طاعونها گاصد تواليهه  
 أصحه أقره التاريخ حگ الموت  
 سیوف الغدرتك گطع أياديهه  
 أصحه والجبل حنة وكحل لعیون  
 کلها أبشوگ یا صایغ تراچییهه  
 چم نجم التوسد شارة الطیبین  
 ما مش زود لا غبشة التصد لییهه  
 چم نشمی أنچتل نال الشهادة أبعر  
 وأنته السکتة ألك وصلت الواطیهه  
 یا میثاق یا جبهة التصد الروچ  
 فشگات الغدر حصدت بیاییهه  
 یا میثاق یا جبهة التصد طاعون

دظل أبغصتك بعدين تلغيه  
 مو شمتان و عيونك عتب سبعين  
 كسران أالضلع شارة التزكيه  
 شعتب وألعتب ماظل بعد مستور  
 سفينة أبلا شراع الموج طاميهه  
 مو شمتان بس أهروش تصرخ آه  
 تايه بالبحر چا وين چاليهه  
 مو شمتان لا هي زوبعة فنجان  
 هي صرخة مناضل وگته چاويهه  
 من اللفة مشى أبدربك يتاج الراس  
 ظل شدة أحزام ودومة شاريهه  
 ما طخ راس وأيام السجن تشهد  
 بقي تاريخة أبيض سل أهاليهه  
 عتاي وياك ما يخلص يبعد الروح  
 أهى عشرة عمر أشلون أهيهه

أهي ثورة عتاب وصرخة البركان  
لحدّ قطع النفس والغبشة نتيهه  
مو شمتان وعيونك أعد أجروح  
تدريني وفيّ بظلمة لياليهه  
أنا أبنيك نبع لبلاب يا ريحان  
وأنته ويا النبض تسري أبسواجيهه  
ما ننسأك لو نشتل وطناً أضلوع  
تظل نجمة الغبشة ألي تضويهه  
مو شمتان وعيونك عتاب أحباب  
تدريها السفينة أتريد شاطيهه

## أحياة عشق

هل آن الأوان أن أقف فوق أعلى قمة للنسيان وأحرق كل  
ذكرياتي المثقلة بك وأكمل العمر بذاكرة جديدة لم يمر عطرك  
على أراضيتها... إنني أسير وحدي... أعيش وحدي ، وأغني  
وحدي ، وأحزن مع الناس...

لگیت أسة على الشفة

وبوسط الغلب يصفة

يتنومس وي سيل الدم

بالشريان خل يغفة

أگله نام یمدل

نبض روعي أبوشم چفة

بس أيهل أبياب العين أحطنة

وأگله سيد العفة



أخاف أعلية من عطر الورد  
لو يوصل بيابي العين ويطرفة  
عزيز وداعت أعيونك  
شحلاتة الحلب أبزلقة  
أمانة أروحتي عندك  
أمحال شلك أبوصفة  
أخذني الشوك للعشار والبصرة  
غريب أمضيع العرفة  
لگيتك جنجل العريس  
عباته ودشته الولقة  
تگلي أمرایة الحلوات  
گمر ونجومة أبصفة  
حنیة حمام وتاه من أهله  
نشف دمه ينوح أبجزن وبلهفة  
طلعته من الگمر شذرة

شرع الما خذل بحارة والدفة  
 آگولن للشمس وینه دفو المشراگ  
 جاوبني الدفو أبزود وبکلفة  
 سألت النجم عنا گالوا أمعزلین  
 بعد عیناه کل أنجومنا تطفة  
 أهو نجم الثریه العالی فوک الفوک  
 لو غاب الثریه منهو أیخلفة  
 ناغیت المشط یل سرحت شعرة  
 جدایل جورى ونعناع  
 تعط عنبر حدر ثوبة صعب وصفة  
 یا فرگ الحریر وگهوه الدیوان  
 بعیناچ الفرچ أیهلهل أبلطفة  
 أناشد دیرم العشاک بشفافچ  
 على کیفک بدیرمها تموج أهیمة وبعطفة  
 کل لون التحطة أیلوگ عل الحلوین

أهو غبشة جمال وضحكته ترفة  
ييو وجه الصبوح الغمر منك غار  
ما يضوي بعد ظل يعتذر وسفة  
حنة عيد مصباحك ألف تفاغ  
كلنا أنروح نمشي وياك للزفة  
أحيب دشتك للدار دشة خير  
ما ناسيك لا وعيونك أتخلفة  
أدري بيبك حد كقطع النفس وياي  
أصاحن بالسلف والهوار ألف وفة  
من يوم الغبت والوسن سن محراب  
يخايب مر عليه وگول أهى صدفة  
أشلون النوم ونتة أوجاغ المحبين  
أنا وياك دهلة الماخذل جرفة  
أزامط بيبك والخلوات كلها أتصيح  
حرز ليلو وشذر يلصف على چتفة

أحبك لو جرعت السم من أشفاف  
أردن للصغر وأتكمط أبلقة  
أشوفنة الف نجمة تزر باليل  
وتتمنة الشريه أتضوي أبطرفة  
أشوفنة ألف ورده أبشذى وعطور  
أخافن من العاذل أيدة لتكطفة  
ضحكنه أشراع لا غنوة أبجلگ سمار  
وحچاية عشگ بعيونة وبچفه  
نشغ طلع النخل وأتوسد اللکاح  
وعشوگ الحنة محبس أتعرفة  
الفاخت تغنة بنايل الأهوار  
والصاعود صفك من هوى السعفة  
ألوزن بيک لو ضاگت علي دنياي  
أمدل للنوايب ماتظل کلفة  
عزيز أنتة يبعد العين

أدري شوفتك تشفة  
بعيد أنتة جريب أنتة  
شمس دنياي تدري الروح متعوفة  
أخاف من الليالي والهضم يلفاه  
أدرية الذيابة أنتهشة وتحوفة  
نعناع العشگ والطيب والريحان  
يا بيت القصيد وعتبت أحروفة  
ريحت هيل عطت كحلة أعيونچ  
يا عمري وحياتي أبرده وبصيفة  
يا ولف الطفولة أشلون أنا بلياك  
أدريك المضيف وطيب معروفة

## لاجئ

لقد ربحتنا المنفى وخسرنا أنفسنا ، إننا أسماك نموت خارج  
الماء ، لقد خسرنا أنفسنا وذبحنا ذكرياتنا ، ونتكلم لغة ألحان  
الجنائز ، إننا في انتظار النهاية رقم في "اليو إن"... نحن  
لاجئون...

أشكي المن  
هاي تالية العمر لاجئ  
أشلون بالعايش أبسيدي  
وعينه تربي أكلة الرباط  
الله وأكبر  
سيدي.... سيدي  
كلشي بيها  
بيها أخضر بيها أحمر

أنا لوني لون بصراوي أصيل  
أنا لوني لون طليح النخل  
والريحة عنبر  
بيها أخضر بيها أحمر  
چم محطة العمر يجزي  
وطبقة التئومة همة  
تدري بيّه أمدلل أمة  
يصيح يا أم البروم  
وين ذبيح الزلم لمة  
لمته لمت عرس وشوگي أغبر وين أظمة  
ياخسارة روجي الشفجة الوكيحة  
تنهضم شوگ الغريب  
وليل ظلمة  
وي عساها أجموت وبطاعون  
يا روح التحب ديرة غرب

هم هواها أعذبي نسمة  
 هم يفز غبشة فجر  
 ينظر أحباب المحلة  
 يشكي همّة  
 كلي مبروك أصبحت لاجئ أبسيدي  
 أنسى شوگ أمجبتك  
 أنسى موال التحبة  
 وسوگ حنا وسوگ هندي  
 أصبحت لاجئ أبسيدي  
 أبد لا تذكر حنينك لآم البروم التعاتب  
 والطويسة وخورة العشاگ  
 چنها أضيوف عندي  
 وشارع الكورنيش  
 يا نخلات أهلنا  
 شوف صوبات العنب



زاهى عنبنا  
ذاك ناعورك يسيحان العتب  
ضاعت الجلمات ما چنا أبنا  
ذاك سعدى  
وسعدى يوسف ما يجر قوس الربابة  
سالم المرزوك يحلم بالصحو  
ماظن أملنا  
آخ يدموعچ يبصرة  
هاى تاليها أبغرب وچر حزنة  
ديرم الحلوات وطيوب الحبايب  
أتغني ونا  
وين تومانچ وناية  
شلون تاريخ العمر ينسى المحنة  
آخ منك شهر تسعة  
أنا ناري أمولة تلهب أمولة

خيط شمعه .. لهب شمعه  
 نذكر أيام الـرفاق وضميم ربعة  
 منهو الـيسمعة  
 منهو رد الصوت يصرخ  
 باع تاريخ العشگ  
 بالسوگ فزعة  
 أخ منك شهر تسعة  
 أنا صار وياچ سبعین العمر  
 تالي لاجئ  
 وما أظن فد يوم رجعة  
 ما أشوف أدروب عشگ أصباي  
 مغلوگة أبسجن وین الـیتبعة  
 نذرت روحي شموع وياس  
 ريحة هیل تالة عشگ ومطلعة  
 تالي سباح الـگلب يطلع دغش

غش العمر وأنتي صرتي وي الدهر  
الدموع أشطوط فاضت  
تايها تسري أبنهر  
چانت البصرة زلم  
أحمزة أبطلعة فجر  
والفجر سيف أيتلاصف  
فرت الحاصودة تخبز  
خبز أهلنا  
شنهو أثمر  
هاي تاليها القلم علغم حبر  
آخ يا ويلاخ يا لمه أخوتي  
آخ يا أبراهيم ميزر  
آخ يا باسم الكاصد  
تالي ينباع الكمر  
كل حرف منج يبصرة

عران ترجية نصر  
أنتي أحلة من الكمر  
يخسة الكمر  
أنتي نجمة ما تغيب  
وأنتي غيم أشته ومطر  
شلون أنسى أمحتج  
أفیش چلاب العمر  
لیرته ودگ الشدر

٢٠١٤\٤\٢٠

مشغی الراهب غروفه ٨  
سیدنی - أستراليا

## اعترافات أمام برج بيزا

عندما لا أجد من يخرج جراحي إلى النور ، عندما لا أجد من يغسل حبي بدمعي، عندها أصرخ أني فقدتك ، سأبكي وأتمنى أن أستنشق عبير المطر ، وهواء الشتاء ، وغيوم الشتاء ، أطلب من الله أن يبعدني عن ذكراك وشوقي لك واحتراقي في سبيلك ، هذه لغة الموت الأبدي ، أن بيزا مائل والأرض منحنية وأنت...

الله

أشكد كبرتي

ضاعن أسنين العمر بالغربة عشتي

عشتي أيام الكحط

آخ ياليل الظلم بية أنجرحتي

الجرح خزن أبروحي

صيح يا دلال بالغربة صبحتي

موگدي وعطاب روحي  
 چرغد اللمة وحبایب طرزني  
 الدنيا.....دنيا  
 أدور دورة أسطوانة  
 بيزا أعوج هم دريتي  
 خلني يا بيزا أسولف  
 عن زلنا الچانت أقهر الوكت  
 نجوم چانت أتضوي حرثات المضایف  
 چانت الهوسة وبيارغهم تطگ چبد السمة  
 كلها چانت تومي ألچ ها يا تجيتي  
 چان عثگي ورطي برحي  
 أوديرمة وحنة بديتي  
 چان صبيان المحلة ألعيبي بالچلاب  
 درة لا ليلو آبگذلي  
 چان ألي بالبصرة بيرغ

والطويسة أشموع تضوي  
 كلها ألي ها شو سكتي  
 لا تأشرين أعله بيزا  
 هوة ياخوية العتب چلمة وصفنتي  
 هوة حفنة أضلوع كاسرها الوكت  
 يخزر أبعينة الصلفة  
 يصيح ما چن آنكسرتي  
 هوة يا خوية الدهر لچماته لچمة  
 الدموع أمعاتت وي العين  
 وينه الكال عونك  
 منهو أيطفي جهرتي  
 ألف غمها الروح غمة  
 وين ما وچت تنوح  
 منهو يستاهل دمعتي  
 ياهو اليسوه الحزن

وألمن الأسود لبستي  
 يا حسرتي يا حسرتي  
 شوف يا بيزا ولك حتى الشفايف  
 والكحل تايه على چالي وجنتي  
 شوف زوجت الوكت بيدي الطيبة  
 ردتہ بس أيهوم هومه أنتصرتي  
 چنت أحطن ديرمي ومحلب عباتي  
 والمسچ عط بالزلف عنبر سگيتي  
 وشلگيتي  
 أشلگيتي غير صخرة أتلوچ بالتاريخ  
 والتاريخ أعوج ما ييردلي حسرتي  
 ولا يوغفلي دمعتي  
 منهو أیصد العواصف  
 أیصح بيها لا تطفيلي شمعتي  
 منهو أیطفي اللهب العطب



أبلحظة عشرتي

منهو منهو

وشنهو شنهو

خلها سكتة

شوف يا بيزا الدهر محرب عليّ كطع مهجتي

چنت أزف الدهر هلهولة تطك فرحة حرثتي

وچنت أحط أزواكة الزفة

أغني بصوت عالي يطش فرحتي

گلت أزامط بيك كل الناس

ما يوم أنخدعتي

ضاع حچي الناس كل الناس

والديوان غلس ما دريتي

حتى شبات المضيف وگهوة الدلة تبدت

كل فناجين المراحل تعتب أتگول أشكسبتي

ما كسبتي غير لوعات وهضم

علگم شربتي  
يا صلافة عينچ الوكحه التخازر  
هذا گله ما أنخدعتي  
ظلي علچي بالعلچ  
خوش غنوة  
آنتصرتي آنتصرتي  
بيزا أعوج الكاع عوجة أنتي عوجة  
ماعدلتي ... ما عدلتي

٢٠١٤\١\٢

سیدنی - اسرائیل

## الطونل

هل كان عليّ لزماً أن أختنق برائحة الحب المميت في أعماقي  
كي أتجراً لإعلان وفاة حبك ، لقد انتهينا وأنا أعترف بالنهاية  
لقد عشت الفراق وسكن أعماقي... لقد آن الأوان أتركيني...

ولو ما تسوة العتب والبينا بيينا

ونبتدي أمين السوالف

وسيفك الغطع أدينا

أزماط ربعي وأشهك بجرف الليالي

والليل نجمات السمة تسمع حجيننا

أنته صرت وياي غيمة صيف

مو مزنة زينة

أنته صرت وياي ميدوزا وحجر

چاتل ولينا

يا لهيب الشوگ لأيام الرجولة  
 عزة النفس وحنينة  
 يا حلاوة روعي من توگف جبل شامخ سنینة  
 چنت اگابح بیچ کل أهل المحلة  
 وکل ضواري الجول بس لحظة تجینا  
 يا مناحة روعي الوچت على أطراف الوکت  
 والوکت طال الوکت ما وجه لینا  
 ضاع مفتاح العمر بيدک دفنته  
 أدري للوادم تگول أهو رهينة  
 صرنا للغبران حرثة  
 صرنا للمجهول حرثة  
 وسيفه صال وجال بينه  
 أنباعت الجلمة وحلم ذیچ الليالي  
 وأصرخ من الشوگ الأرعن  
 ها ولك ظل لا تجینا

ما بعد عدنا دمع  
بعدهما تطلع شمس  
والله أنسينا  
وسبية الغمان صعبة  
ها أذكرك  
أبقطار الموت لو قصر النهاية  
النار تلهب بالكلب أسمع ونية  
ونست ذيح الليالي  
شباط يضحك وموزرة عالي ورنينة  
يدبج أعله الروح  
يا دجله وفرات أتفرهدينا  
أصحى يا شط العرب  
وگوم أعلنها أبعزم محنا انتهيينا  
وخلها تسري المدة مدة  
وخلنا نشتل ديرم ومحلب عرسها

لولي نعي  
 صير مروود كحل عينة  
 چنا نعناع الهوه وبيدر حنينا  
 چنا نجمات السما الما غابت  
 وصاحت علينا  
 والگمر من مستحاته أيلوذ بينا  
 والشمس صاحت هله بالمعتينة  
 صرنا مثل الشمر جودة  
 بگيض بالصحراء تصرخ لا تجينا  
 آخ يمدلل بعد ذاك الدلال  
 العيد أجفة أنعيش أياماً حزينة  
 الف غمچ يل هويتي الشوگ  
 والعಾಗول والچولان عينا  
 الف غمچ أنعميتي وما توجدين  
 الصبح وتصيحين بالهندس صفينا

وغمة غمة والف غمة  
لنتي ماي لنتي نورس  
تابع أشراع السفينة  
تاهت أيام الشباب والطفولة  
بعد ما عشنا بسكينة  
أعمى شي هممة الظلام  
خلها نور خلها كل شي  
انتهينا انتهينا

## السناتة

كل الهواجس والعطور النرجسية ، الدمع والسهر الطويل وكل  
قطرة من ندى الشفتين والروح الشقيهة، لقد انتحرت أحلامي  
المليئة بالمحبة والغرام ، كل حرف من قصائدي وما أقول في  
ألمي ، صبري وليلي لك وحدك ، للماضي للحاضر للمستقبل...

الملامة

كفي الملامة

فوك ضيمي الملامة

يا شماتت صوت الأرعن

أشلون من يطري كلامه

قصة البطران لو يحجي غرامه

سيفه يلصف ناوي موتي

هذي أضلوعي علامة



أمورث العطاب الأعمة  
واللهب يوصل الهامة  
يامة يامة  
يامة غنينا السلامة  
وأنا أتني صحوة الحاصود  
لو فز أبنامة  
هم بعد أترجى غبشة  
وينجلي الليل وظلامه  
أصبح يا طليع نخلي  
ماي لكاحي ندامة  
أمحازر وي الريح ياليل الشماتة  
أنا تايه  
معرفت مقصد مرامة  
شبت الأهات من صغري  
ورياح البين علگم وأنا أطين

طيرتي طيرة حمامة  
 چنت أكل الشمس أليه  
 الكمر وي النجم حتى الشريا  
 أخ يا كاس الندامة  
 ما مشت وياي عدلة  
 ماهي أتلوگ المقامة  
 چنت أصلي وي النجوم  
 خلصت السبعين  
 مافد يوم يفطر عن صيامة  
 عن صيامة عن فطامة  
 كلها أيامي قيامة  
 چنت بالديوان شمة  
 أيلوگ الي زفة عمامة  
 هاي تاليها صفت  
 موتت الطير أبسهامة

وفوگ کل هذا اللامة  
أنا المدلل الأبن ذیچ الطمامة  
أنا بیدر رازقي وعنبر قدامة  
أنا أنا  
أشرخصچ یاروح تالیها الملامة  
أنا ضایع بین صحراء الليالي  
وعزتي وحرثت خيامة  
أمعاتت وي الروح أنا  
منهو أیذکره بشهامة  
منهو یذکر زین ربعة  
وحننة وشوگة وهيامة  
حتى أنتي أشترایع أجمای عينة  
الملامة الملامة  
الريح تذري أيام عمره  
وهو یتوجه حطامة

والمنيه أتخوم يمي  
مادريت الموت خرزة لو علگ  
شدة أحزامة  
بين دمعة وأبتسامة  
أبتسامة أبتسامة

٢٠١٥\٢\٩

سیدنیج - أستراليا

## التنوك الدائم

عشكى دائم لك يا مدينة الوفاء والطيبة والحنية ، بعد فراق  
طويل سنين كثر قالت لي من عمري على عمرك لن أنساك...

لا يبصرة

لا تصدغين البعد نسابي

أنت موالي القديم

كاولية ورگصة الهیوة تطرز أحزاني

أشلون أحب غیرچ یسباح الگلب

وصدگ أگله أنتة ولفي الثاني

شلون هاي وشنهو أنا

مات حلم الوفة أبعيني

وماتت الخوة القديمة

عود من تالي عرفت عنواني

أمینن ألی أعیون التصد وتشوف غیرچ  
 أمینن أنا عندي کلب  
 یعشگ بعد یسهر بعد  
 وأنت عشگ أصبای  
 هلهولة فرح أحزانی  
 لا یبصره ما نسیت المرید وسوگ المغایز  
 أم البروم الحزن بردانی  
 ما نسیتک سوگ حنا  
 وشارع الکوورنیش والخورة الحبیبة  
 راح عمري ما بعد یتنانی  
 شنهو أنسة وشأخلی  
 أشلون أنسة أخواني  
 چنت أشد أحزام شوگی  
 بس أشوفچ وأسمع الخویة العزم ینخانی  
 جبل عالی حده یوصل للسمة

یواگح الچیلات والصدّما  
لحزام الوفة قهر وفرح یلگانی  
أحاه سجات الهجر  
شح المطر  
حشف عثگنا أشلون یا أخواني  
صار تمر البصرة هودج  
أختفت گشتات عیدی  
الواث خبزي  
ماکو تنور الیوچ برکاني  
صدگ درب أمحتچ  
شوگ الصغر ما بعد یلگانی  
لا یبصرة  
أنتي حنية هلي  
شوگ ومحبة  
هيل عطر أمحمة

وكل العطور الفاحت أبستاني  
 هو غصن الشوگ لعبة  
 لو ردت أنسة البداية  
 أنسة أيام الطفولة  
 أنسة أنسة شنهو أنسة  
 شظل بعد غير الدمع وأشجاني  
 خلص كل عمري بفراگچ  
 بقي حنانچ  
 شرطة وتحقيق  
 أيام السجن شوگ المحب  
 يا عطر ريحاني  
 أمنين ألي أعيون وتصد  
 عين الوفة  
 أنتي مشراگ الدفو بحضاني  
 لا يبصرة أرباتچ أنا



الضاگ ملحج  
دومة باقى أعله العهد  
وبحياة وبماتة  
أنى حبه وأسمج أعله لسانى  
آخ هلهولة عرس نجمة صبح  
أشلون أنسة أمحتج  
وأنى أسمج مى زلال  
دم زلال  
يسرى أبشرىانى يسرى أبشرىانى

٢٠١٤\١٠\٣

مشفى الراهب فى فىلذ

سیدنى - أسراىا

## الغبينة

ننتظر الفجر متى يهل ، أين أنت يا غبشة ، أين أنت يا ربيع  
أنزل في أحلام اليقظة ، متى يأتي الوسن ، إننا في ضياع...

هيعونك

ألك فجر وتظل تتناه

ويعمر الوسن بعيونك الحلوة

أمنين أبدي وسولفلك

ما أذكر لفاني النوم

ودموعي أصبحت سلوة

هيعونك

يا ريتك حلم بالعين

تذكرني بأحلم غفوة

بأحلم زفتك

من يوم هجرتني والدمع يچوة  
وأظل أمسامر السمرة  
أعدهن ها ثلث چويات  
وأنا أمناطر المطرة  
أدري الكيظ  
أنتة الكيظ  
يا مطر الشتة الشحيت  
ما ظل بالعمر گطرة  
ولك گطرة  
عفاها الروح تترجاك  
بلكي ترجع الذكرة  
ياجود المهمت أتناه من أسنين  
ولا مزنة أمل منوه  
أقشمر روحي أبملگاه  
اگلها أتروح ألك فدوة

يا بحر النشف مائة  
يظل وي السراب أطيور  
وش مگوه  
تظل ديرم عشگ مغشوش  
ما ترضاش  
أنصير أوهام يا مدلول  
تظل لا گيظ لا أشته  
ويضيع العمر سهوة  
آخ أمن الرخص لو صاح  
آخ العمر من يرخص  
عزيز أبدلته وگهوه  
مضيفه أوطان للتايه  
كلها عايشة بسطوة  
حسافة أطگة الصفنات  
ويدور العشگ گوة

شلون أشلون  
شبحي بالهوى شبحوة  
أهو أشكد العمر يسوة  
ثلث تيام ها يومين  
يا عشگ ألدغش بلوة  
آخ ألاخ آهن چم آخ تتحمل  
أتنومس بيك يمدل  
حرام الروح تترمل  
تريد أويك لحظة أتعيش  
وأنته أتبوگها سطوة  
صبح دمعي رخيص أنا  
وصبحت أنا الغريب أمضيع الخطوة  
غريبة أنجوم دنيانا  
غريبة أگلوب چانت يوم قهوانا  
چا وين المزامط دفگ الحانا

صبحت هسة غريب أنا  
 وي غم العشگ لو عاف خلانا  
 عفتني أنا المدلل  
 تريد أبساع تنسانا  
 هم سامع شمس تنداس  
 بصبح الكاع سيسانة  
 ألك فجر وتظل تنناه  
 تعيش أبأمل لقيانا  
 تظل أطگ أغاني الشوگ  
 ما مات العشگ وشواگ نيسانة  
 يظل حبك رفيف الكاع  
 يلهث بآسمچ أفلانة  
 شيفيد الحزن والنوح  
 أمهدل تلطم الخدين  
 قهل أدموع رخصانة

نعناع العمر عطشان  
يشراع السفينة ألما خذل فد يوم سفانة  
ولا سد المضيف أبوجه صحبانة  
يا عيب الوكت يا عيب  
الگهوة رماد والخطر يتنانة  
شوكت أيجود فنجانة  
يا عيب الوكت يا عيب  
أنلوذ أبطارف الغبران  
والغبران شالت ضاع عنوانة  
أشلون أويأچ توالية العمر مهضوم  
حسافات العمر ويأچ مسرانة  
شلون أشلون

## المطر

المطر يغسل كل شيء ، هل يأتي يوم ويغسل قلوب البشر ،  
يغسل الحقد والخداع ليعم السلام... ربما..

مطري مطري  
بلكي أتغسلين أغلوب البشر  
خلي عطر أمحبي ديرم دهر  
خلي چانون العشگ عالي اللهب  
ييجي.. ينحب  
يطفي لوعات القهر  
الراح ناذر بية عطوة  
باگ عمري  
راح من سيدني يدور  
راح لدروېچ ييصرة



ويشغب أبسوگ المغايز  
تاه أمري  
أم البروم التعة  
والتميمية عشگ من الطفولة  
كاس خمري  
يغني ابن بريچ ردي  
تدريين الصدگ ما قصريتي  
تاه وي أمحتي ديرم عشگنا  
والعشگ عت الغصيبة  
سغف نخلتنا ومراري  
تاه من يوم الغفة السياب بدروب الحبة  
راح يندب عل الشواطئ  
يصرخ أبماي الخليج  
وأتني قدري  
تاه يملك نهر جاسم

ظل نخلنا أبلايا غلبة  
 صار لكاح النخل علغم مراري  
 صارت المدّة حلم  
 ماكو ماي وماكو جاري  
 چنا نسمع كل هلاهيل الفجر  
 الغبشة تبجي  
 النجوم أمعصبات أترید والي  
 صار ملچ الموت يستنگه الزلم  
 عنبر يلم  
 وسفة وهضم  
 هاي تالي البين عشرات الليالي  
 وينة وينة  
 نتناك يا هرش العلالي  
 نتناك يا ليرة ذهب  
 يسوار غالي

نتناج يا هلهولة أطق بالسلف  
يا بيرغ الثارات يا ثوار  
يا سلمان يا لحن الصبر  
شنهي الجراي  
ها ييو ريل وحمد  
يا سالم المرزوغ يا عريان  
المن أشكي حالي  
هذا شيبي وأنا بالسبعين أعمى  
كلها عميان المحلة أتريد چالي  
أتريد ربان السفينة  
أبروح من عدنا التعب  
يصير مكشوف اللعب  
بيها تتناغة السمر  
أم الشهيد أتفك حزنها  
أتسير ضحكته ذهب

يسير هودج زفتة لشط العرب  
 يغني أبو نونة الحبيب  
 أيغني أبصوته العذب  
 وصفكة البصرة وكشتات الاثل  
 نطل نغني الهيوه أبوسط الدرب  
 مطري مطري  
 مطري مزنة شوگ  
 وأعتاب الأحبة  
 أعتاب الحبيب  
 لهفة المشتاك لهلة  
 عايش أبدار الغرب  
 وينزال همك يا گلب  
 ينزال همك يا گلب

## مسح الأم

لم أجد وأنا يعصرني الألم وحسرات الموت تجتاحني غير حضنك  
الداقي أغفو فيه... أنا المسافر بين محطات الحياة والموت  
ألملم جراحي في هذه الدنيا وأنسج من ذكراك إشراقة لنور  
الشمس الدائم ، كم أنا مشتاق لحضنك الدافي ، أتعبتك  
معي كثيراً يا أمي ، اغفري لي يا حنونة...

يا والددة...

الجبوري بطل ما يشع بعدج عطر  
شبوي ليلي صافن أمضيع الفجر  
اهيل يعتب عل المسح وينة الصبر  
شنهي مامش غبشة لينا  
نسرينا بطل خبر  
الياس والقдах أصبح يعتذر  
البلابل خرسة صارت

الطيور الطائيرة ناحت گدر  
 حتى الفخاتي عل السدر  
 أدموعها زخت مطر  
 العمر بعدج ييمة أشلون چا وينة العمر  
 ضاع مشراگ الشمس أصبحت دنيای ظلمة  
 صارت الحنية غلطة الشمس تبجي أبخزن  
 النجم دنگ يحب چف الحبايب  
 أحنا بدروبچ مثل نخلة البرحي  
 توصل الچبد السمة  
 تنتظر مطلاع صبحي  
 صرنا يحببة نخل صخر وحجر  
 وأحنا ننطيههم ثمر.. أحلى الثمر  
 چنتي يايمة إلی غبشة الظلمة  
 الوسن جافة جفوني  
 أمنين أجيب النوم يمة أمنين حلمة  
 هية چلمة يمة چلمة زاد همة

ضاع وي چلمة الخوية دغش كلها  
 ما سمع بس ما يهمة  
 سار بدروب المنايا من بعد  
 عينچ ييمة من يسلمة  
 يمة يحببة يديوان المحبة  
 من أشوفچ عمت عيني  
 ينجلي من الكلب همة  
 حضنچ الدافي عشيرة بيرغ وجمعت عمامة  
 أعيوني تعمة من أذكرچ  
 وعمري يتناه الختم من يسلمة  
 چرغدچ يا طيبة خيمة  
 شراع عزة أرد أشمة  
 شوفتچ طبت عوافي من يوافي  
 ريحتچ مسح الليالي  
 محلچ دفچت حنان  
 أنتي سلطان الزمان

صفحه بالتاريخ تضوي  
 أتشع محبة أتشع أمان  
 بكل مچان بكل مچان  
 شيلتچ خيط البريسم  
 أمعطرة بريجة ملاك  
 نجم وأعلة من الشريا  
 ضاوي أيشع أبسماچ  
 يا عمد شبات بيتي  
 روعي منذورة فداچ  
 مگدر أنسة نبضي أنتي  
 شلون نسيان الملاک

٢٠١٤\٩\١

مشغى الراهب غرفة ٨

سيدني - أستراليا



## سيدي البرحي

أحب كل شئ فيك : الطلع الدفئ ، الفي ، الحنان ، العناق ،  
يا نخلتي الباسقة دعيني أعيش، أتركي قصص الغروب والظلام  
والضياع والدروب ، لقد ذهبت النوارس بعيداً ونحن شبه  
أموات نستعير أكفاناً لنا لنصلي بها من أجل الآخرين...

يشبوي المسة گرNFL بالغروب  
ريجة رازقي وكت الظهيرة  
غار الهيل بطل عطرة أيفوح  
حتى الهيل منك طگ عبيرة  
مسچ محلب أعذبي مروود الروح  
شدة ياس وتفيض أبسديرة  
قداح وبنفسج من هب الريح  
نسرین الليالي أنشم عطيرة

يا ريش النعام ودفكة الحلوات  
 بركان الوفة دايم سعية  
 دولبي زمايى أجب النجوم  
 أمنت الكلب عندك أسيرة  
 هلاهل أسمع الشمات وكت أغروب  
 لامويى هلي وكل العشيرة  
 أبشرك ذبوا الأسود علىة أبساع  
 صار العمر أيامة كصيرة  
 غده حزني حزن مفطوم من أمه  
 طشت بالسلف قصتي الجيرة  
 صرت أعمة كلب ومفتح أعيون  
 صار أعمة الديليني المسيرة  
 حتى الناي دمع من سمع الونين  
 صاح أنتة الحزن ماكو نظيرة  
 ردت أگعد أفيك وأغفه ساعات

أنسه الحزن وأيامه المريرة  
عرفتك من خفك غلي أبلسات  
أدري أنت الضوء الدربي وتنيرة  
تشكن روكي أبجسات ببعادك  
أصيرلج عبد ونبي الأميرة  
أنشدك يا طلع بركي يلگاح  
شافيلي العليل أنت سميره  
حمل أجال بچتافي على أبعادك  
تدريني هت ضاعت الديرة  
أنت الشمس عندي أنا بردان  
كون أبلا شمس شنهو مصيرة  
نجم من النجوم أمعلي فوگ الفوگ  
ما تغرب صبح لا بالظهيرة  
عيوني شورحن ما يكفي حزن الثوب  
أهو حزن العدل علة مثيرة

يا جرغد الراس وشيلة الديوان  
 يا صوت البحر صمته وهديره  
 علي الموت أهون لا تصد وتروح  
 دگات الگلب عندك أسيرة  
 أرحمني حبيبي بالبعد مو تي  
 يسفان الوكت منهو اليجيرة  
 ما أگدر على أفراگك يمهيوب  
 جميع أعضاي تتوسمها حيرة  
 لا تبعد بعد ما بية أغزل هم  
 ماني حيل دنيانا القديرة  
 صرت مثل المهيلة الفاگده الربان  
 أمأمنة بالبحر صوته وزئيرة  
 لا تاخذ حجي العذال تحجي بية  
 تسگيلي الگلب مزنة مريرة  
 أريدك شدة القداح يا قداح

تظل دوماً وفيّ بصوته وبشيرة  
من يوم الغبت ما تغمض العين  
صاحبت الحزن ماشي أبوتيرة  
أمنت الكلب عندك ييذات  
تدري بالكلب أنت غديره  
أنظر للكمير أنت الضوه البية  
إذا عني غبت وين البصيرة

٢٥ \ ١٢ \ ٢٠١٣

سيدرني - أسرايا

## الغريب

لا تتعجب من عصفور يهرب وأنت تقترب منه وفي يدك طعام  
له ، فالطيور عكس البشر تؤمن بأن الحريه أعلى من الخبز...

غريب

وتايه والدرب مظلم وكل حرثاتي متغيره

أزاملط والهوى ورياحهم غبرة

غريب أتني القطار الضيع السجة

فراگينه أصبحت عل الكاع متسمرة

أطويها المسافة وعمري ضاع أويك

أهو أمخبل زمانة شارب الخمرة

غريب وأنتظر بريح عالي أهب

ما أگدر أوجد نجمي من گمرة

خليني أحل ضيفك يبعد الروح

بيان المضيف أمقفلة ومسكرة  
تاليها الوكت كاصدني بالنكبات  
أهو شتريد مني حاير أبفكرة  
يفك لي بالغزل ويكلي غزلة أردود  
من يخلص تحصدة وتكطف الثمرة  
كلي أشوكت يخلص والسدى مگطوع  
أهو يفلة وأغزلة وينتهي امرأة  
غريب الناس ووجوه الخلك ظلمة  
كلها أمعبسة ووجوهم تقرة  
أهي الأيام عسرة والزمان أغبر  
أواكح والعمر أيامة متعثرة  
وأبني من الرمال أحلام غرب أسهيل  
ونجوم السمة من زمان متشمرة  
أختفة نور الشمس وأنسدت البيان  
ظلت بس عواصف نار ومجمرة

على العكاز خلاني وكت أرعن  
 أبتعد حتى الأخو الدگ ألي صدره  
 حتى أخوي هذا أخوي أبن أمي  
 دايرلي ظهر و عيونه متحجرة  
 حرت حتى المحب يلعللي بالأوراق  
 وعگب ذاك التعب تدفعني للحفرة  
 ولج جسر أصبح تلج عبري لتخافين  
 تحط سمك أبجسمي وسيفك أتغمره  
 هو ياهو اليرحم يعرف المعروف  
 يدليني الدرب ويعط شذى عطرة  
 ثاريتها المنية أتقوم رمشة عين  
 ثلث أمتارها مترين لا شجرة  
 خلصها العمر وأتعهده بالخسرات  
 گضت كل السنين وگشرة هالسفرة  
 أعمايني الوكت ومدافع أنا أوياه



أهي ياهي الشجرة وياهي السمرة  
تدري أعضاي كلها أمخزنة وتون  
تعبان الفكر مثل الشرب خمرة  
جازيتي التعب والسهر ليل أنهار  
أصبحتي عدو تابعتني أبأثرة  
إذا أتريد العمر بيدك ذبحته ليش  
خلها أدماي تنكط كطرة كطرة  
ظل بس الجلد والعظم يرخصلك  
لا تخسر چفن أرميه بالحفرة  
رديلي الفضل أبجفنة من أتراب  
غمكولة الكبر بس لا يمر ذكره  
جازيت التعب يا نشمي كلش زين  
عساها أبختك أنت ألي أحفرت كبرة

## البصير

قبل أن ترسم ثققتك على جدار شخص معين تأكد من صلابة  
الجدار لكي لا يسقط عليك في يوم من الأيام ، هل يوجد أحد  
في الحياة يستحق التضحية ، ومن يكون...

الله لا ينطيك يل حبيبتك  
بعثني بالسوك من أشريتك  
كتلي أعمه  
حتى لا تعشگ بعد غيري ولف  
ولا تصد عينك الغيري  
وتترك أگليبي الترف  
گلبك أیحب ويرف  
أیطوف بأركان الصلاة  
يزرع أبعينه الحبة

تدري أنتة العشگ سالوفة ويشع  
نظرته نظرة صلف  
شلون باليعشگ صلف  
من عميت أعيوني  
گتلي أنتة بصير  
ما تفيد وما تصير  
لا تنقص لا تزيد  
منهو أيجب الضرير  
ياهو أيدليلة دربة  
يصبح العينه قرير  
هيچ تاليها أصير  
صعب أعيش وياك أنا  
ما تصح ليه عشير  
ما تفرق بين نور وليل أظلم  
ليل مو حش

ياهو أيگود العليل  
 ألن الأعمى خليل  
 آخ و عيوبي فداك  
 تالي أتكلي بصير ما يصير  
 شلون نخلك يالعراق  
 أشلون والعشار مظلم  
 والفراهيدي يدندن لحن منقوص القوافي  
 لحن يسگم  
 چم حمد دگ أعلة گلي  
 وييده مفتاح اشتياق  
 ما رهم غيرك وليف  
 ماتت أعله الشفة بسمة  
 ماتت وتاه العناق  
 أخ ليل الاشتياق  
 ماتت أبليل الهموم

ماتت أبشرطة البصرة  
وشرطة التسفير وأوراق المحقق  
حتى باسمي ظل يدقق  
أنته سعدي  
شلون تنشدها السعادة وحلم وردي  
شلون تمشي بالطريق  
من الطويسة لسوك هندي  
كلها خطواتك تعدي  
ساعة السورين تبجي أتگول عندي  
عندي أولاد المحلة  
عندي بساتات العشگ  
عندي موال الرفاق  
ألما نست يوم العراق  
التصدح أبصوت التحدي  
كلها عندي

عندي الضيع هلة ضاع بدروب الرباط  
 يكتب الجلمة ويحطها أبلا نقاط  
 عندي مفتاح العيون الما تشوف  
 لا يحب ولا يعوف  
 ناسي كل صومة وصلاتة  
 صار حجي أجمجانة  
 ما هو شايف بيت الله  
 ما لا رجلين التطوف  
 عندي مفتاح العيون  
 كلب أعمة وما يشوف  
 أسأل البصرة الحبيبة  
 ألتعرف أصبيها العطوف  
 ماني أعمى ولا بصير  
 بس عرفتج بالخيانة والغدر  
 البصير المات كلبه

البصير العاف حبه  
البصير الضاع بدروب المخطئة  
تايه وما يدري زرعة  
مدري عنبر مدري حنطة  
الله لا ينطيك حسابك عميت  
أنته يا أعمى الغلب عيش يا غدار عمرك  
ما وفيت  
ما عميت ... ما عميت

٢٠١٢\٥\٢

سيدني - أستراليا

## ما حچينا

هل في وسعي أن أختار قدري ، حياتي ، أحلامي... لا أريد أن  
أستجدي لحظات عمري من شخص ما... لن أمدح جلادي...  
لا أريد أن أختار أحلاماً لا تتحقق ، أكره الفشل والخداع...

أبتدينا

وكتلي أحبك

وألقت أشفافنا وبطل حجينا

ما حچينا

البلابل غردت شدت أدينا

غنت الچانون حينا

غنوة أشجان وحنينة

أبتسم الناي هلهل

ناسي دمعاته الحزينة



الحمام الطار عالي

وجه يمنة

صار محبس بين أدينا

كال عشي حاضر الكم

طار عالي

صار غيمة من الفرحة تمطر علينا

وفاح ورد الرازقي

البنفسج صاح للجوري يغني ما درينا

الشمس زعلت وصاحت ما أغيب

ما أغيب

ثمرت ذراعها تونة أجينا

الكم صاح أبدلال الله أكبر أبتلينا

أنطفه نوره كام يرگص

رگصت الموت اللعينة

النجم شنهو النجم

يثغب أبجسره وألم  
 أحنا أنتهينا  
 أنعگدت النظرات بين أوجهنا  
 مدري نضحك مدري نبجي  
 حضرت العبرة وبجينا  
 گام شلال العتب  
 زخة مطر  
 طبت محب  
 أمشكن بغربة أسنینه  
 کلشي گتله  
 أبصمت گتله  
 ما دريت الواشي والنمام فرحوا  
 من بعدنا وضيعينا  
 ضيعتني وضيعيتك  
 أبعيد بالغربة مشينا

گتله الأيام تغدر  
الزمن سيفه يميننا  
يجرگ الأخضر وبابس  
أمدلغم أبموزر يجينا  
ذيب ومكشر أنيابة  
يصيح عد عيناك وينة  
ما بقت چفة شرايع  
مات ربان السفينة  
الشراع أصبح يتيم  
أخرس أمضيع ونينة  
الروج عالي  
أبلايا رحمة  
نسمع ألحانا السجينة  
الوداع الوداع  
شنهو حصلنا اشجينة

مخفر التوقيف بالبصرة القديمة  
 بشرطة التسفير أيام تينة  
 القطار القادنا صوب الرمادي  
 أيصيح ها خوتي أنسبينا  
 أحنا وردات الحدايق  
 جوري أو قداح وگرنفل حچينا  
 ماتت أعله الشفة بسمه  
 ما بقت بس القوافي  
 بيها يايمة أذكرينا  
 مادرينا مادرينا  
 يبقى حبك بالگلب بيه أبتلينا

٢٠١٣\١١\٣

سیدنی - استراليا

## الشهيد ستار خضير

لقد اختاروك يا ستار لأنك الجرح الكبير الرافض للتسكع في  
دروب الذل والعار والخزي ، لك الخلود يا أبو مي الحبيب ...  
للحبيب الدكتور جبار ياسر الحيدر عرفتكم في العمارة وأنا في  
ظلام السجن ، وكنت أخي في البصرة ، ونعم الصديق في  
بغداد... لك وللشهيد الخالد أبو مي...

بس أنتة الرهم مفتاحك البابي  
بس أنتة الطفة نيران عطابي  
أنتة ألي تظل العين تترجأك  
يا دشة أمل يا وسطة أشبائي  
يا دلة أوجاغ الما طفت ناره  
برحي أبسالال الطيب  
غميجة أهواي أسرار ه

ثوبك چسوة أمعيدين  
 ما راگد ولا راگد  
 يچسي السلف وأحراره  
 يصيح ها أخوتي وصلت أخباره  
 أبص المور هوستهم  
 ولا همهم فشگ بارود أشراره  
 عفية أبني أريدك دوم  
 أموزر بالمراجل لحن غدارة  
 أيزر العدو غارة أبأثر غارة  
 يختار العدو ويضيع مشواره  
 غده طشار طشارة  
 بعد عيني يميتي أنتة  
 هم أتلوح الأبشارة  
 أ أمنك شيلتي وبختي  
 فشگ برنو ما يخطي الطيارة

حلفتلي تطلب الثارين  
ولك ييني الوفي ييني  
ستار البطل عمك ولك ييني  
تراهو أبعاده ما رديني  
كلها أسماء جبارة  
كل واحد يگول أنا  
حقه من يگول أنا  
شدر عز وكرامة أبصدرني الشارة  
صعديم الشريا وصار أقماره  
عين الشعب أنواره  
ندري الموت يا ستار  
يحصد زين أخياره  
حگها مي تفاخر بيك  
تگول أبوي خلة جسمه عبارة  
علگ بصدور خطارة

شهيد وأسمه فوگ الراس  
 كلها أموزرة وتصيح هذا أنا  
 ما همهم فشگ لا سيف لا دانة  
 حناها أبچفة أبدمه الطاهر  
 صمد معروف عنوانه  
 حرگ گلب العدو أبلهب نيرانه  
 بچی حتی الفشگ ويصيح ها يني  
 لتخاف العدو لتهاب نيشانه  
 أريدن طبتيك بالعيد  
 طب ستار يمة ولا تدگ الباب  
 كلها أحاب  
 طب و خل أسولفلك شهيد أتيتم أبدمه  
 سگه الأتراب  
 الإرهاب كلها إرهاب  
 تاليها عرفتوا إرهاب



كتلوها الطيور وقادة الأسراب  
ما ظل حوم بالربعة بعد ستار  
غدت دنياك سوده أغبار  
شنهو الصار .. لسة ما عرفتوا الصار  
يا حيف الوكت غدار  
كل يوم أيتعطب نار  
ولا چنك هذاك أنتة  
ولا چن أنجتل ستار  
ستار الوفي ستار .. ستار الأبن ستار  
ما همه سجن وسوار  
رافع راية الأحرار  
مضيفك فاتح البيان للخطر  
الدلة أمهيلة وتصيح ثار الثار  
عمت عيني عليكم وي الثريا أكبار  
فوگ ... الفوگ

ما تقبل تحط بالهامة شارة عار.. أخ العار  
 أحط فوگ النفس نفسین  
 أطم الروح بالتربان  
 وأچفنها بصخر وحجار  
 ولا بیرغ شماتة أیشیلة الحافی  
 مدري أمنین أهو لافی  
 گشاش المد لفة طافی  
 یظل ستار حلم ارواحنا الصافی  
 ولك یمه أبد منساك .. شعبك دوم ما ینساك  
 أنتة أبوسط روحي وگلی الدافی

٢٥ \ ٧ \ ٢٠١٣

سیدنی - استراليا

## الغربة

قمر الأيام وتذوي تحت ركام الزمن طفولتنا الجميلة ، ولكن  
القهقري يعود بنا إلى الوراء ، إلى الماضي ، إلى الطفولة والطيبة  
والمحنة... آه يا طاحونة القدر لقد انتهى العمر ونحن في  
الغربة...

رديت ألج ديرت هلي  
رديت يا بصرة هلي  
حضنني أبلهفة محب  
وبصوت عالي هللهي  
يگلي الوكت موش أهية لك  
أصرخ وگولن کلها لي  
رديت وهموم المدن  
بجيوي مليانه ملي

دموع وقهر نوح وسهر  
الغربة بيها مبتلي  
صارت غصب گوة علي  
يله يبصرة شملي  
أدموعي نشفت والشفاه أتصبح ياهو اليشتري  
وينه الرباط  
النهر ناشف والوجوه أمغبرة  
نتناه لو ما يمتلي  
مد وجزر  
صار الجزر والمد تركنا  
خندگك علگم شري  
دينار ما چنة أنس  
ما ظن أجاه العيد يتناه من أمس  
فرحة وعرس  
العشار غنوة شوگ ألك

يا باسم وخالد طفولتنا ملك  
كلهم هلك كلهم هلي  
بس گول عونك ها بلي  
نذكر أيام الطفولة والمحبة والمحنة  
آخ الحسينية العزيزة  
وشارع المترب همومه تنجلي  
يحجي للأجيال قصة  
قصته ما تنطري  
مدرستنا أشحلو اسمها  
مدرسة گرمة علي  
أذكر أسليمان يصرخ  
گولوا دار گولوا دور  
ما يگول اسم المحلة والمدينة  
نبقى أحنا بانتظار  
أمشي مشية مستقيم ولا تدور

لا تشم ريحة بخور  
أكتب... أكتب لا تحط اسم الوطن

بين السطور  
وأحنا أبسديني ياسم نذكر أيام الطفولة

شلون خلص ها العمر  
شلون دارت الأسطوانة

تاه من عدنا الفجر  
لسه أيام الطمامة وجسر الأحمر  
والتميمية

لسه بستاتك فؤاد أتصيح بصرة  
تصدح أبلحن العجر

صدگ خلص ها العمر  
خلص أبلوعة وسجن

خلص أبسجن الرمادي والعمارة  
قاعة خمسة قاعة ستة

مدري خلصنا أشكشر  
الجناسي صارت أوراق المحقق  
وشرطة البصرة التدقق  
جعفر أغائي وفاضل  
صاروا ألنا أصدقاء  
وشرطة التسفير محراب الصلاة  
تحضن أسباع وأبابة  
هذا ضلعي أنكسر ذكره  
رد تجبر  
يمنة يتحقق مناه  
ضاع ليل الانتظار  
صاحت الغبشة تراه صار النهار  
مدري ظلمه مدري نور  
ننتظر دشة حمد  
بلكي ياتينا القطار

تالي طلعت سكة ماكو المحطة قفلت بيها  
 وأحنا نحلم... نحلم أنخط الشعار  
 مدري أحنا شنهو صار  
 هم نطل نتني القطار  
 يا قطار أيگول عونك يشيل مكسور الجناح  
 تاه من عنده الصباح  
 تاه لا حرثة أبطريقه  
 چفه أيلأوي الرياح  
 راح... راح  
 راح للظلمة يدور  
 خلص عمره والعظم أبداً ما لاح

٢٠١٣\٦\٩

سیدنی - استراليا



## عيد الحب

كيف يكون الحب ، كيف يأتي هنيئاً لكل العشاق ولكل من  
يتغنى بالحب الحقيقي...

عيد الحب يحل بشباط وبكل عام  
أنا أشما أشوفك فرحتي وعيدي  
قبلني يبعد الروح بالمبسم  
عت الخصر بيدك وأصعد الجيدي  
لتخاف العشيرة وأهلي الظلام  
ما أنساك لو حطوا جمر بيدي  
فالتينا أنحتل صار دمه عيد  
أهو دمي ولحمي ألچ شتريدي  
هذن كلهن أحطهن هم هدية عيد  
الدلال يرخص روحي وچ هيدي

بس يوم أنچتل فالتين أصبح نور  
 كل لحظه الاشوفچ ينزف أوریدی  
 شتگولین عل أیموت بعیونچ  
 تفصلیلی المنیة أهیده وتزودی  
 حلفتچ أنا أیهیة نور الکون  
 متشوفین نوحی ونار تنهیدی  
 گاتلنی السهر ما غمضت العیون  
 من یوم العرفتچ صرتی أوحیدی  
 ألهث أنطق أبأسمچ أظل مختار  
 کل حرف الأگویدة یکسر أقیودی  
 من تزعل علی أتعبس الدنیا  
 أظل أصفک بدیه بلکی أتعودی  
 فالتین من عدموه نگوید دم  
 أنا الدم خلص والجسم مگوید  
 أحطن بالظرف روحی بعید الحب

أقدمها هدية ونذر لورودي  
ضمني يا حبيبي ضمة العشاگ  
وأخذ بوسة العيد وطرز أخذودي  
أحط العطر عله الوجنة على مودك  
أصيرن لك نذر مو أنته معبودي  
عيد الحب يجينا وأنشر القداح  
أحطنك مسج ويعط على زنودي  
خل تحجي العواذل روحي ألك فدوة  
مقسومه ألك أنا أسأل أجدودي  
شحاته من يجينا العيد يومية  
وأغفى بين أديك وأنسة أوجدودي  
تمر الثواني وأطبگ الشفتين و  
أعزف عل الربابة ومطبگ وعودي  
سألبس لك بيوم العيد شو گلي  
كل ثوب التحبة يگعد أگعودي

من يوم العرفتک ودگ هواک الباب  
 ما فد يوم عفتک صنت العهودي  
 أنت النبع صافي وأرتوي أجمية  
 أغفى بالزلف وأيامنا أتعودي  
 كل أربع طعش بشباط عيد الحب  
 نقسم من تفارگ حتى للهودي  
 شأغنيلک يمحوبي ينور العين  
 وأگل لأيام عمري رجعي أردودي  
 ييهيه أجعل سنتنا أعياد ما تنعاف  
 ونخط العمى بعيون حاسودي  
 بيوم العيد أحلفک لا تروح أبعيد  
 ما ضلي صبر کلها تره أشهودي  
 آشما دارت الأيام ما أنساک  
 لأن أنته حياتي وشذر عنگودي  
 من يشوفچ ينهض القديس من نومة

وينسه كل صلاته ويركع أسجودي  
فالتنين يهل أمضيع أهالة  
أنتي أهلال دايم منبع أسعودي  
كلها الناس من تلگاک تنبشر  
أنته عيد دايم ضاوي أبزودي  
من أيشوفك فالتنين يبطل العيد  
أنته تسد محله أبكلشي وتزودي  
فالتنين شرد ما يدخل السدي  
بكنبيرا وگف ها ذي تره أحدودي  
يدري بيك يمدل أنتة العيد  
وأنتة بالحسن خو گدها وگدودي  
شگ الثوب يصرخ عدكم أنتم العيد  
ما جيكم بعد لو گصوا الايدي

## مزنة وفاة

أكره قوتي عندما أخرج من أحب دون قصد ، أكره دموعي  
حين تنزل على من لا يستحقها رغماً عني ، أكره حبي حين  
يمحو كبريائي وكرامتي...

خلص وشل صبرهن ما لگيت الطيب  
لا مزنة وفاة بلغاح برحيها  
عشرات الوكت وحچاية الديوان  
ولا أطلاطة چالي ألي يواسيها  
تحش أهروش گلبي أمعاتت وي الروح  
ما چني الشواطي الوجت أعلیها  
وشل خالص صبرهن والغدر محسوب  
أسيوف الهضم غمجت مساحیها  
أنقفل باب الحبة وهطلت العمدان

لا حرثة درب مأمون حاويها  
 نشف ماي الصحين ونشغت الغرنوگ  
 البردي تحنة بدم سواجيها  
 تكول الجلعة چانت فيّ دفو أمعرسين  
 الصفصاف زوج كل أراضيه  
 أيتزامط وي رفيف الموت شهگة حيل  
 ولاچن الحيانة أوجاغ ماضيها  
 أتنومس بالقطار الضاع بالسچات  
 العين الكوية أشراع حاديها  
 لاذاك الحلم كحل جفون العين  
 نست ذیچ الدموع وهان راعيها  
 خلص صبر الغلب ماناسي درب الطيب  
 مثل نوح الحمام العشة طبة الذيب  
 ظل تايه يدگ أبحسرة عل البيان  
 جنح مكسور يتنة أيطيب

يا صبر و صبر أيوب  
 عساها أبحظك وبختك تطلب من أغليبي أيتوب  
 مفاتيحي و خشل عرسي  
 زفة عرسي المهيوب  
 كلها أمكوطرة أبكتري كلها أذنوب  
 يا ليل المسج والحنة والنعناع  
 موزر علة الدرب متعوب  
 ثاريها المنايا أدور  
 شعلنا أشموع... شعلنا أغلوب  
 ما همنا لهيب الصيف  
 ولا چلة برد حالوب  
 أوجوه البشر كلها الغاز  
 لا شمس التضوي أسهيلنا المحبوب  
 يا نخلة البرحي أبديرة الأجداد  
 عثگ شيص أمحلت



لا سعة ولا صاعود  
 هم نتناها يمة أعود  
 بلا كربة ولا صاعود  
 يا بيرغ الذلة الداوي المعكود  
 سبع أسنين زرع وماي  
 لحظة بيوم صحتي أمكدر ومكتوب  
 مو أنا الچنت مشراگ ريحة هيل  
 عفتيني أبصلافة بسجة المغلوب  
 يا ذل الشراع العل چتف رايات  
 ما چن الذبحة أمعلگ ومصلوب  
 ضاع المستحة دلال بالحرثات  
 حسبالك تدوم أبجسنتك اليعقوب  
 خلص وشل دمعهن ظلمت دنيائي  
 راواني زماي أدروب  
 أشوفك تايه بخرگة هدم مسرود

كل يوم العزة منصوب  
 زماي وياك ونته أوياه  
 أنا أمعثر أبمسراي وكت أغروب  
 يا حيف وألف يا حيف تالية الوفة خرنوب  
 سيوف الهجر منك تصهل الجيلات  
 وي طبت الفجر منهوب  
 ما ريدك تمر أبطيف وبمنة  
 أفزن فزت المرعوب  
 ما ريد الخطية وچلمة التعبان  
 ما ريد الحجي المحسوب  
 خلص وشل عتبهن ما بعد ينگال  
 شنهي أشظل بعد معتوب

## أفز بالليل

أين أنت أيها الليل ؟ أين أنت يا نهار ؟... كل كلمات الدنيا لا  
تملأ الفراغ حين يغيب من نحبهم ، أنا الشمعة أن أظلمت  
الدنيا أسرعوا نحوي...

أفز بالليل...

الجان أنته تفز بالليل وتغمض عينك أشوية  
حرام الليل ماعنته نصة ألحوگ تالية  
تهجس بالضلع نيران جسمي أتستو أبضية  
تبجي عل لگيته وراح وتسگي أفراشك أجمية  
أنا مالگيته وضاع وأگول أشلون تالية  
ضاع النوم مني وهام ولا وسناً يمر بية  
أحلامي غدت طشار دموع وحزن يومية  
يعت بيه الوكت ليوين أبجور أغماگ چالية

أشلون أغمض العينين أريد أحلم أبحاضية  
 أفر بالليل .. أهجس نار بضلوعي  
 تفز بالليل وينه الليل حتى أنجومه متغيرة  
 وهلاله علن عاشور كل أيامه متكدرة  
 ما أكر أمد الأيد كل أعضاي متخدرة  
 أمهيلة وبمهب الريح مدري وين منحدره  
 لا أشراع اليدليها وأهي والموج متسمرة  
 مامش بالعيون أدموع حتى أصيبها متحجرة  
 نشفت ودماي أتسيل بسكتة وتنحب العبرة  
 هيعونك تفز بالليل أظن ناظراً فجرة  
 هم أيتام كلي أشلون عطشان أبوسط جزرة  
 صحيح الماي بيه أيحيط ياهو اليوصل الصدره  
 شوايخ والزلال أبعيد الماي أمصبخ وكدرة  
 أفر بالليل...  
 لوم الروح تردرس حيل تشتل سگم وتسطرة

تحصد والزرع أهات أطش الضيم وتكدرة  
 مامش بالسمة أغيوم دنياك أصبحت غبرة  
 لا مضاييف تدگ الهيل لا نشتم بعد عطرة  
 وكيحه الروح ما تهجع تظل تتأمل المطرة  
 أنهرها وترد أبزود بالكل تغفى أبكترة  
 تبني من السراب أبيوت تگلي کلمن وفگرة  
 أفز بالليل...

تفز بالليل ما غمضت ترى العيون  
 ملح مطشوش بيهن طشة المجنون  
 أزامط بيك كل الناس وأگول وي النبض معجون  
 لا قيس ألحفص عقله ولا عنتر تراهو أيخون  
 كل أعضاءي جسمي تلتهب بالنار  
 بس أضلوع أنتة وهم عليك أهون  
 أحرگهن حيل يمدلل  
 حط الموت بيهن ونشر الطاعون

والله ما أأكلك ليش  
كل أعضاءي جسمي بخنجر ك مطعون  
بلكي الروح تصحى وتنوي هية أأخون

## دفة ديمانة

باسم الحي ، وباسم معرفة الحي ، وباسم الوجود الأزلي الذي  
سبق الماء ، وكان قبل الضوء والسنى ، ذلك الذي نطق  
فكانت كلمات ، والكلمات كانت كروماً ، وكانت الحياة الأولى  
سعيت رافعاً عيني وذراعي الى موطن الحياة والنور والمجد...  
(كنزا ربا)

هلا بالتصطبغ أبدفة ديمانه

هلا بالشرف والعفة

مندايي أصيلة نبع ريحانة

يحفضج هيبي لا تنسين مسرانا

گعدتي أمعدلة أمگابل الطريانة

أدورن أدعو ياماري

تحفظ دارتي وتكشر أيمانة

أغط باليردنة ومرددة البوثات  
خلي الكلب يهجع تطفي نيرانه  
أظن رافعة الجفين  
لواثر أطلب أحسانه  
أبد ما خون عهدي وياك  
شريفة وطاهرة ما تعرف أخيانة  
مندايي تراي أحفظ العهدين  
عهد الدين وعهد للدوم أنسانة  
حلوة المركة أتعلي البنيان  
أتقبل أواثر عاليًا شأنه  
هلا بنت النهورة وشذرة الجلاب  
أدم أبو الفرج يحضرنة وأخوانة  
أنا برستي والزلف ينگط ماي  
ياهي أندبك عيد لقيانا  
هو ريحة عطر ويفوح



وفي وأخلاص صكر أيجوم نيشانة  
 قد مايي أمقدسة الأسماء من آدم  
 أسوثة والحلاي أيجول بلسانة  
 زكوته والطبوته شنهو يمشي أويك  
 لامال ولا ولد وسلطانة  
 هلا بنت الطوايف علم عالي الشان  
 أمدكي والكليلة تشهد أبشانة  
 يظل درفش اليهيه للأبد مرفوع  
 الياس أمطرزة والعفة بركانة  
 بعد عيني بينت الداى  
 الرسته أمعدلة والياس تيجانة  
 المصبتة ألچ أتلوگ  
 أكليلة أمنورة الزلفين  
 والتاغة جديلة توصل أردانة  
 شحلات الداى لو شدولة هميانة

أحلفك بيش كتر برا  
عليك أبشيت وأبادم  
عليك أبدرفش اليهية  
البوثات كثرها تراني اليوم حلمانة  
وهييلزيرة أمنورة  
شمس وتشع على المندي  
على بختك يگتر برا  
أصبغة وهذا ديدانة  
لتگول الشمس غابت بعد ميصير  
أهو وجهة شمس دايم بنيرانة  
حتى الشمس تحجل من يمر طرواه  
تظل الشمس تبجي أمظلمة آنا  
مو آنا المضوية وأعترفلچ دوم  
مو آنا المضوية أنتي يفلانة

## رسالة لاجئ من سيدني

يا أختي الحنونة ، يا عمري وشمسي التي لا تغيب ، باقة  
زهوري التي لا تذبل ، يا أريج كل الوجود وعطر شبوي الليل  
والنهار وبنفسج الربيع الدائم وقداح الغبشة تؤم نبضات  
قلبي ، شذى عمري ، لا أنسى لقاءك لي في مطار سيدني  
دموعك غالية ، إني محتاجك ، لم يترك لي الزمن غيرك...

ما أعاتب وما ألوم

موش هية الخوة خوة

تالي تنباع أبرخص بيرغ شماتة

ومزنة گوة

يارخص من يشتري ويسير ألي خيمة حنان

ولحن سلوة

موش هية أسوالف وي الريح

وشراع الوكت ماينطي عطوة  
 موش هية أزماط أرعن بديرة الغربية  
 وعطر ريحان روحي وغنوة حلوة  
 لا يريحان الليالي أمعاتب أنا  
 وش بقالي  
 ما بقالي من العمر ساعات تسوة  
 ساعات ودموعي أحطهن بين أديج  
 شبعد عندي  
 أمنين ألي أعيون تگوة  
 أوجرت بيه الليالي  
 أنا ضايع بالدروب ويلي سطوبة  
 آخ يا أوجاغ الألم ديرم هضم  
 ما بقت بالروح خطوة  
 هاي تالية الزمن وين ما وليت فهو  
 شايل أعلة أجتافي مهري

غزلي وسط الريح  
ما لاجيلة تجوة  
شنهي هية الروح علگم  
ريحتج عنبر وجوري  
گلت يمچ أستريح أهجع بغفوة  
فرفحت روحي أبخرتج  
ياهو يسوة  
يا تجية روحي وأختي الحنونة  
من بعد عيناچ موي  
منهو أهوة  
منهو يا أم لينا يقبل  
وأنا بالسبعين ومعرث أبلوة  
منهو يتقبل الشكوة  
وين أبوي وعمت عيني من أذكرة  
چان ألي ريش النعام

حچاية الطيين شدوة  
 شكثر طيب ذهب وأكثر  
 ليلو زهوة  
 جبل عالي ياهو اليوصل العلوة  
 أمنا خيمة ودفو الجلة  
 أقوة وأقوة  
 آه يل حضنچ ألي ساعات نشوة  
 وين أچن أمين ألي شاطي ومأوة  
 وينة هو الكال عونك  
 صاح عد عيناك نخوة  
 ويذكر البصرة الحبيبة  
 ديرة السياح وأللکاح  
 وهیوة العشاک شدوة  
 منهو يذکر لمت الأحباب جيران المحب  
 أم عصام... وأبو چکچک

بيت غازي... وبيت نجوة  
أي يم لنا الحبيبة  
يا عطر شبوي ليلي  
ريجة النسرين وأكثر جوري هوة  
چنت أزامط بيع كل أهل الكباحة  
ياعضد سباح روحي  
شيمتي وصبت الكهوة  
يا خسارة أسيوف أهلي  
صرت سالوفة أبجلگ آدم وحوه  
ما ألوم ولا أعاتب  
لا ربيع ولا خريف  
ما هو گیظ ولا هو أشته  
هاي تالية العمر شرحي الشروة  
أصبحت عل الناس بلوة  
موش هية الخوة گوة

ولا هي غنوة  
آه يل شوفتچ منوة  
آه يا أمي وبوي  
أه يا أختي وخوي  
آه يا عمر الخالص ما جاب طروة  
آه يل روحي ألج فدوة  
روحي ألج مليون فدوه

۲۰۱۴\۴\۵

سیدنی - استرالیا



## الحورية

البحر غريب رهيب لا أحب المخاطرة فيه ، الحيتان فيه ،  
الموت عند سطحه ، كيف تصل النوارس الى سطحه ، كيف  
تخرج الحورية منه عند الصلاة ، عند الفجر أنثر أشعاري  
عطوراً للناس الطيبة...

حلو المبسم يعط من حلگه الهيل  
الشامة السوداء أبجده مشدودة  
ما يحتاج ورق إثبات أحسنه  
بس يوكف يباوع كلها أشهوده  
حلو القامة يهز الكاع  
من يمشي أبغنج مترهدن أبزودة  
كلها الناس تصفن من يمر طرواه  
وردية اللون أمودة أخذودة

أعجز من أوصفه بحسن حورية  
 أهو يا هو اليلحكه ويوصل أجدوده  
 يمكن أنا أظلمه أمقصر أبحقه  
 ورد جوري وبنفسج أمأصلة أجدوده  
 مظلومة الشمس من يذكر اسمه  
 الكمر ويا الثريا أتلود بزودة  
 تمشي أصفوف خلفه كلها متعجة  
 شديه البال مجتوله أباروده  
 أنتة الماي بالصحراء للعطشان  
 كليج زود من أيزود صهيوده  
 الوجه مجروح أبيض صنع باب الشام  
 أحطن فص ملح بعيون حاسوده  
 من تضحك زمرد يبرج أليلو  
 يأتينا الفرج يفتكن أقيوده  
 ولج ثامن عجيبة أمنورة بالكون

حاروا بالوصف يا شاعر أيجوده  
الجيد أيتزامط شجرة الزيتون  
أمسطر شذر ياقوت عنكوده  
الصدر قمة جبل ومضوية من أبعيد  
أمبين من خياله كدها وكدوده  
الخصر كوس الكمنجة يعزف البيات  
ترد أبطور صبي الحزن مكصوده  
كصدت أرموشها أبفيها ردت أرتاح  
بستان وثمرها عالي الجودة  
من توگف ظهرها أمعير الصوين  
فارس على الشكره حافظ أعهوده  
تسهل من تغير وما يهمها أسيوف  
ويعزل السلف بيبانه مسدودة  
جو كندا أبحسنها أتكعد الميتين  
وتفز الدوارس هذا مريودة

ربك كمله ما بي كل لولة  
 سيد هم يشور عال أسعوده  
 ما أگدر أفرزن صوئها الدافي  
 من صوت البابل عالي تغريدة  
 أنا من أشوفج أذرف الدمعات  
 ألوذ أبحضرتج لوزة المكرودة  
 لتنظرين ليه نصرت الشمات  
 أدري بيج قايد وأنا أجنوده  
 عداني الشنة والگيظ هم أعتاض  
 أهو شنهو الزرعة وشنهو محصوده  
 واليني الوكت ومرادف اللوعات  
 چاتلني بصوته وعينة أتزوده  
 سألت الناس شنهو رايهم بيها  
 ناس الصين حارت وتاهت أهنوده

## بيدر حُزن

ماذا تكتبين ، ماذا تقولين ، لقد رفعتِ راية المارقين على  
أكتافك للتباهي ، هنيئاً لك التعبير من دفاتر الإنشاء البالية  
القديمة ، كتبتِ بكلمات وأحرف الرياء والغدر والخيانة  
والخداع... الخيانة لها كل المواسم لها خمسة فصول أجدها  
وكنتِ الأولى في كل شيء تستحقين أكثر من وسام...

أريد أنسى

أريد أنسى يدنيانا

أريد أنسى وأبيع العشك للعشاق

أبيعن هضم أحزانا

بعد ألن... ولك ألن

شراع وخذل سفانا

صفت دلة بلا كهوة

أوجاغ أو طفه نیرانا  
 لا مزنة ولا مطرة  
 ولا چلمة صدگ تطري علة ألسانه  
 ما أدري غریبة الناس  
 غریب أنا  
 غریبة الصحبة البعینی  
 غریب أمضیع أخوانه  
 قمت وداهمانی الروح  
 مایة أعت الروح  
 ثاری الموج واطانا  
 أعاتب شنهو ألی صار  
 بعدت ونسیت ملگانه  
 غدر حبك ثمر صفصاف  
 غافی بلهب سیقانه  
 حشفة أمعلگة بالشیص

جثيرة أسيوف نيشانه  
مدري الدنيا خلصانه  
بعد ألن... ولك ألن  
تبقى العين سهرانه  
بعد ألن تناغي الروح  
تغفى أبجزن تعبانه  
بعتنى وچابست العيون  
أبساع أبساع تنسانه  
يل حبك ألف ونة  
أريد أنسى  
روح أبولفك أتهنة  
شنهي ألخلفت عندي  
حزن ومچودر أبرنة  
كل غزلي البنيتة وياك  
هدمته وش بقى منه

چتلتني أبلحظه يا غدار  
 الموت أبعيني أشوفنه  
 كل ذيج السنين أبلاش  
 بس ونات تصفة ألنا  
 چنت نعناعك المخاب  
 چنت دنيك والجنة  
 چنت تصرخ أبعالي الصوت  
 أذكرك ها أحبنا أحبنا  
 كل ليله ألك حنة  
 ألك زفة عرس بكليل أشمنة  
 أحلفك شارع العشاك  
 يا كورنیش بصرتنا  
 أحلفچ بصره الطيين  
 چم دمعة التصب حنا  
 مسچ وهيل أطشنة



أغاي الدنيا كلها أعياد  
بكل لحظة أشوفنة  
أبيع العشك للدنيا  
صيح أبجيل يا دلال  
برخص الشوك أبيعنا  
يا من خلقت ونة  
بعد المن  
دمعي أشلون أو كفنا  
أغدرتني أبليل زرت ذيب  
هذي قدرته وفنة  
چنت عمري أبلياليها  
حرز كل لحظة أشيلنا  
أكله أمدل ومهيووب  
من العين أحفظنا  
عطرك بلسم النشغات

بهيدة أبهيدة تنسانه  
 جروح أمرادف الطعنات  
 أهو واحد وأخيطنه  
 أكلگ صير ألي صوباط  
 أنته أدواي أعرفنه  
 يا ويلاخ تالي الليل  
 سيوف الغدر تجتلنه  
 أچتلني ما دريت الصار  
 ألف مبروك أهنا  
 سبع أسنين ضاع الشوگ  
 روح أبجك أهنة  
 عساها أبظك وبختك أهنة أهنة

## نوارس الأهل

### إلى الكبير فائز الحيدر

اجتاحت الغربان أسوار مدني الحبيبة ، وهربت النوارس  
الحبيبة ، بعيداً كان صوت البنادق أغنية الوداع لكل الناس  
الطيبة ، حزنك حزني ودموعك دموعي قلوبنا بالحب تفيض  
دعنا نغني للأمل يا فائز...

خلص راح العمر فائز بقينا أغراب  
أحلام الليالي أمغرة بتراب  
حلم وفالة الصياد تصرخ حيل  
طلع حتى السمج جذاب  
ولا زرة تجي من الهور  
ولا غنوة عشك تطفينا العطاب  
روجات النهر صاحت بلایا أعتاب  
أبو سوزي الونات حد أبجد

طگ أبطگ

بیو سوزان کل ذیچ الجروح أو هام

چشیره الغسلاهة الدم

یظل جرح الصدیچ أمورم أو ما طاب

تظل ذیچ السوالف دشت الأحباب

نطرزها أبسمانا أنجوم

وعیون الزلم تتنة حلمها الخاب

الأهوار ما ضمت أمسجة ولا خضیری أیلوح

لا چولان بیها

بس دغل و غراب

ثاریها المنايا أسراب

لا صوت الرفاكة صاح

ولا أحد یدش محراب

یفائز طشرانا الین

الایام ردست حیل

ردحت شایلة بیرغ شماتة وطن

من أسنین  
صحنا الآه  
ألن نشتکی ویگول عد عیناه  
آه الآه یا ویلاه  
نبچی أعله العراق الضاع  
لو هم نبقی نترجاه  
أهو غایب نگول أیعود  
نحضر أشموعنا الملکاه  
ها نتناه  
شحلو ملکاه  
هلهولة عرس ملکاه  
ندگ بیرغ سلام ونافع وننخاه  
بلکی أیحن  
شحلات أسم العراق أحبیب أشحلاه  
أشحلاته من یحی طرواه  
تظل أعیونة أمشورحة وتشتاگ

تطري بالسلف أسوالف العشاك  
سوزي تنتظر بشفاف ذبلانة  
تظل طول الليالي أمناطرة الصوبين  
بلكي أيلوح ملگانة  
وتلهل تراهي أبزود  
تخضر ذیچ گيعانة  
بین حيدر يفائز کلنا عد عیناک  
الأصيل أیظل عظیم الشان  
والطیبات عنوانة  
یا سید العفة یا عزیز النفس  
یظل تموز ریحة مسج ویانة  
هو والله الرفاق أجال  
یا هو الیوصل الشانة  
هم سامع صبح تران تنی ثمر بستانة  
نشم عطر الفرات أیفوح متحزمین تلگانة  
ونتذکر حزبنا أبخیر والزینات تتنانة

شهم أبن العراق أیضم جراحه أبچف  
یکبت جمر أحزانه  
أشلون یخلي أمه يوم خجلانه  
ولا خله خشل أخته هدم مشرور  
وسدد باب دیوانه  
إذا حلت وصاح السیف  
یخلي الدم سواجي أتفیض فهرانا  
وحگ ضیم الشعب والناس  
وحگ خبزة شعبنا  
المالکت تنور  
تظل الناس تتنة دفغة أحصانة  
شنهي الموت یخسة الموت  
کلنا أنروح دفانة  
یظل بیدر شلبنا أمعلي فوگ الفوگ  
یغني العرس نیسانة  
حتى لو طمانة السیل

نطل أحنا السفينة وأحنا ربانة  
 تظل لمة زلمنا أتصيح هذا أنا  
 يفائز يابو سوزي خرسن الجيلات  
 ظل ذكرى الجبل والهور  
 يبجي أشلون نسيانه  
 وحگ الناس كل الناس  
 وحگ بيرغ هلي الطيبين  
 وحگ أعگال أبوي وشيلة أمي  
 يظل أذار مسرانا  
 يظل أذار مسرانا

٢٠١٤\١٠\١

مشفى الراهب غرقة ٨

سيدرني - أسرايا



## تنور أُمي

التاريخ لا يعيد نفسه كما يُشاع ، ولكن بعض البشر يكرّرون  
 غباءهم لأنهم يمنحون ثقتهم لشخص مرتين ، إننا لا نستطيع  
 أن نغيرهم ، ولكن دعونا نغير العيون التي تنظر إليهم...

چيمي التنور يمة  
 وچري التنور يمة  
 لا تخبزين الخبز  
 حطي روجي أبدلها  
 چتلت أبنادم سببها  
 الما شفاها كل حرز  
 لاهي زفة عرس غبشة  
 منذور آلاه وخرز  
 لا تخبزين الخبز

أهيدة يمة أجروحي تنزف  
 لسعة التتور لسعة  
 مثل ليل الغربية هندس  
 عيوني ما بطلت دمعة  
 أشتاق يم كلب الحنين  
 حضنچ الطيب أشوسعه  
 أشلون بالطايح رچیچ  
 عينة تربي الماي قداح النخل  
 يتني أيدة أتروش طلعة  
 يتني هلهولة عمامة أتصیر فزعة  
 آخ ياليل الرمادي  
 هم ألك ذكرى ورجعة  
 أشلون بالفارگ حبیبة النكرة السلماں  
 یا رمز الشجاعة وزین ربعة  
 أشلون تاليها يقلعه

يعة أذكريهم أبخزج  
ذولة حفاي الشوارع  
الوقعوا صك البراءة  
واعتراف  
طاحت الكطره بدناءة  
هلهلوا ليلة العيد  
وشخطوا العنوان الاحمر  
يا وطن حر وسعيد  
لبسوا الخاكي وشدوه النطاق  
صاروا أزلام الزقاق  
حملوا الرشاش الأرعن  
يا عراق... يا عراق  
ضاغت الوسعة علينا  
بتنا دنيا أبلا اشتياق  
من أذكر التنور يمة

أتشوغ روحي  
 أحلم أبليلة الزفة  
 صبحت ذيج الليالي حيل كلفة  
 كلفة منچ  
 كلفة من الناس  
 العشگت أدروب المنايا  
 تحزن أيام الربيع  
 ليلهم هندس ويصفر  
 أتگول صدفة  
 هذا ليلك يا ربيع  
 وسفة وسفة  
 نحلم أبليل الفخاتي  
 أتغني بأطراف السعف  
 لحن بصراوي وغزف  
 خلي ناره أتصيح محنة

زفه أبوسط السلف  
چيمي التنور يمة  
خل لهيبه أيصير عالي  
حيل عالي بلكي يوعة  
أنتظر يرحم أبجالي  
يذكر أيام وليالي  
يوم چنت أوسادة لية  
يوم گلي أعلة الشريعة لا تبالي  
النهر موش الأعرفه  
صار موحش ماله چالي  
مرت الموجه علينا  
أتسوم غالي  
تحصد اليابس والأخضر  
وش بقالي  
ضاعت أدروب المحبة والمحنة

من جنوبي من شمالي  
 صاحت أتنادي العواصف  
 بلكي أيموت العشك  
 ينقل باب المحنة أغير رجعة  
 ومحد أيدكره ويدگ  
 أرد أذب مفتاح گلي بالبحر  
 كافي لوعات وقهر  
 كافي لوعات وسهر  
 كافي... كافي

٢٠١٤\٩\١٢

مشفى الراهب غرفة ٨

سیدنی - أستراليا

## تستحين

بعد كل الذي عملتيه معي تقولين أستحي، يا رخص المستحة،  
أعملي أي شئ يحلو لكي ، لن تتركي أي شئ ولا تستحين ، أنتي  
الغدر والضياع والسيف...

تستحين

أمنين أجة المستحة يل تجذبين

أمنين أجة المستحة

ودمي حنة بالچفوف

وصوتي موال حزين

دلال وتصيحين بية بالدروب

أبلا ثمن تتوسلين

صرت فرجة للشماتة

عينچ الصلقة نست ذاك الحنين

يا خسارة روعي الچانت تگابح  
 چانت تزامط  
 أشلون هسة تستحين  
 يقنت علم اليقين  
 أتمثلين... أتمثلين  
 ماتت أهروش المحبة  
 والحنة من سنین  
 صار بس الحزن زادة  
 عاش با لعالم حزين  
 يا وكاحة عينج الصلغة أشگبها  
 كله هذا وتستحين... تتنومسين  
 من عرفتي الريل ما عندة محطة يوجي بيها  
 وسيفج الیطر جنين  
 أمنيتي الغيم يینخل بالمطر  
 الطريق أصبح أمين



شمرتي أذراعچ الجانت مخدي  
هدميتي بيت حينا  
وتصرخين... أشرت حصين  
رحتي والأيام تشهد  
واگفه أبصف المصاب  
أنا تايه ليل ظلمة أبلا معين  
أعيوني طش العمة بيها  
حسرتي أنغطي الجبين  
شراع يمشي أبلا بحر  
الروج يصعد مدري ينزل  
القرار ألحاف ألية  
بيمن أنا أستعين  
بليل يندهني الوكت  
أیگلي نايم  
أشلون عينك غمضت

وأنتة السجين  
 أگعد أشتاگیت لدموعك  
 حسرتك ما شفتها صار حين  
 گلي چا شنهو المحبة والعشگ  
 والاشتياق  
 لعبه لو مزنة ونين  
 شنهي صوت أبلا رنين  
 ما دريتي أنا نسمة گیظ  
 أمضیع ومنهو المعین  
 أنتة والشامت علیة  
 دردي أخرس والوکت  
 یا جمالة ویا حسین  
 وداعت أسنین ألي تاهت  
 مني عندچ  
 شربت القداح برحي وطلع زین

وتستحين  
ماتكلي أنتة وين  
كلي هوو المستحة يجيبي كوة  
هو سلوة  
هو كطرة ماي للعطشان حلوة  
يا حلانة أيسير للحلوات منوة  
من أقيمه ذهب صافي  
ألعيبي لا ياقوت  
ليلو هوة هوة  
كلشي يسوة  
تدرين يا وجه الكباحة  
كطرة الماي ألي طاحت  
والله منج ماهي سهوة  
أدموعج السالن أبيتي  
أنا أفرش مهجتي

أروه... أروه

چنت شيخ أبديرتي

بيرغ الحب والشهامة بيها تگوة

خلي تنورچ لهية عالي عالي

خلي عطا به وسعيره أيصير غنوة

أيسير نخوة

مدري حيطانچ گصب

چولان بردي لا لاه ساس

لا مضيف وماكو گهوة

ليله وحدة أصبحت صوبا ط أرعن

لهو خيمة لهو صهوة

يا خسارة روجي الوچت

على أدروب الهضم

ضیعت مفتاحها من غير شکوی

وتستحين هم تستحين

أنّى حرثة مستحة مزروعة طين  
أنّى بيت الچذب دومچ تغدرين  
تستحين... أستستحين

## أغنية للطرشان

للمشمس شروق آخر ربما غداً ، ربما النجمة صارت قمراً ، أنت  
الأمل عشقناك منذ الطفولة يا عشقنا الأبدى ، لقد انتحرت  
أحلامي في اليقظة والمنام ، لقد أصبح العالم ضحكة ، حوار ،  
عتاب... وربما أغنية للطرشان...

المن أكتب

المن أعتب

وأنا ليلي ليل ظلمة

أنظر الثلجك وگولن يا سهر

يا سهر ذیچ الیالی الصارت الغبشة أبدھر

أبحرت بینا الطرارید التغنی

أههور وبمای النهر

وتتني سالوفة عشگنا

الضاعت أبمزنة مطر  
عاشت أبغيض و گدر  
صاحت الدنيا علينا  
وينكم... چا وينكم  
وين ذاك العندليب  
اليعرف أيحوش الشمر  
برحي وبريم أبعتگنا  
لا هو زهدي  
ولا چسب مثل الحجر  
چان نخلي عالي عالي  
چان سالوفة عمر  
چنت أشوفة جبل عالي  
وما لا حرثة التنهمر  
من عشکتگ يا عضد چلاب بيتي  
مدري بيلك أتغشني وتبيع الگمر

چنت أزامط بیک کل أهل المحلة  
 البصرة کلها  
 الطویسة والجزائر والمغایز  
 أنتة سید هل البشر  
 چنت أزامط بیک روجی  
 عیونی گوسک  
 صار شریانی وتر  
 أغلی وأغلی  
 شنهی آوصفک شوصفک  
 من الشکر من السمر  
 من شرایینی أو وریدی  
 من أغلی مدري أنتة أیا کتر  
 رحت أحشم هوة... هوة  
 أنتة أنتة لیل أنته  
 نتني نجمات الفجر



وننتظر... أشنتظر  
أمنين يا تينا الصبر  
المن أكتب  
للطيور التاهت أبغصة وألم  
تاهت ومن غير رجعة  
لا ولا حتى أبحلم  
شلون دنيا  
أشلون عالم  
يمتة يخلص هل الظلم  
المن أكتب  
للبلايل الودعت تغريدها  
تعيش لحظات السغم  
موت وهضم  
المن أكتب  
للشجر للبحر

أبشجرة الصفصاف ننتية الشمر  
عفية روعي أشكتر صلفة  
عفية روعي أشكد صبرتي  
وشحملتي  
أمنگشة أجروح وأثر  
أمنگشة بحنة حباب  
أتسولف أبظلم الحباب  
برنو أغبر بس يهلهل للطلايب  
دشته كلها طلايب  
ضاع من عدنا أملنا  
يا أمل ننتية خايب  
أشلون بالوجه على السبعين  
مدري حاضر مدري غايب  
آخ يل معدنك غالي  
الماس وأغلة من الذهب

ما دريت الروح ترخص  
أتعوفني وسط الدرب  
شلون بالضيع اللمة  
صارت الغربة عليّة  
أسيوف تجدح للحرب  
أشلون وأنا أبسدي ضايع  
وتدري سيدي... أتعرف سيدي  
نار تنور وخطب  
يگودني أعمة گلب  
آخ يا أشراع الشماتة  
ألما يغطي لحظة من لهفة محب  
وش تنتظر... وش تنتظر  
كلها عتباتك زعل  
هدمة ثوب الحزن الأسود  
أیغني موال الشماتة بلا طرب

وما كسب  
فات وكت البرحي وأبريمة أنغصب  
عاش دايح... ضاع دايح  
ما كسب وما كسب  
يا مناحة روحي كافي  
كافي كافي من التعب

٢٠١٣\١٢\٦

سینې - أستراليا

## أم الشهيد

الموت موت... والشهادة زينة الخلود ، خذي حزني وعمري  
وأملني وأنثريه أريج على أرصفة التضحية والوفاء بخور ليوم  
النصر ، نعم مهر الحرية غالي ، لا تحزني يا أُمي غني للشهادة  
التي تليق بالرجال الرجال لقد أوفينا العهد فنحن الأوفياء...

حگها أم الشهيد أتشيل بيرغ عز  
أهي أم الوفة وتريد الأُبشارة  
حگها وبالوطن نجمات من عدها  
كل نجمة شهيد أغيوم مطارة  
شدوها البيارغ للسمة أمعليات  
كل أجسامهم للکاع نواره  
زلم فاجت أبجور الموت ما تهتم  
راحت للجبل والهور ثواره

يعطر شيلة أمة بهيل الحديثات  
 وجرغدها الحبر صوباط خطارة  
 أتنومس والرمح مرفوع للهامات  
 إذا رادوا أسيوف أنصير بتارة  
 إذا هبت عواصف والعغال أنداس  
 نخط أجسامنا أبلاد عبارة  
 أعميها العيون ألي تصب أدموع  
 أكحلها بحر للجايب أخبارة  
 إذا قلقت الروح وما أجة الخطاب  
 نطل ننة الحصاد أمولة الجارة  
 ذهب تيزاب أبني يستحي الميزان  
 شيقدر الثمن احتارت أفكاره  
 شهيد وعتبة بيرغ يشيل الراس  
 چيلات التفگ تبجي ومحتارة  
 حگها أم الشهيد أتشيل بيرغ ثار

لأن جرح الشماتة أمعطب أبناره  
أنا أم الشهيد وحكي أرفع راس  
خلها أقمب عواصف نار جبارة  
شهيـد ومن أـكول أوليـدي يـخـسـة الموت  
ماهـمة الفـشـك وسـيـوف غـداـرة  
بشـير ونـافـع وسـتـار هـا جـبـار  
مـصـطـاف وسـعـيـد أصـگـور طـيـارة  
كـل أسـمـائـهـم نـجـمـات عـالي أنـجـوم  
مـعـطـرين العـراق وسـجـل أحـرارـه  
أيتـسـابـگ للـشـهـادـة وما يـهـمـه الموت  
ويـعـطـب الجـرح لو سـولـف أسـرارـه  
عـمـد بيـتي جـبال وما تـهـزـهـم رـيـح  
خـل تـمـطـر فـشـك والـدان مـطـارة  
هـذولـة أهـمـة زلم ومـواكـح وي الـيـن  
يـحـضـنـها المـنـيـة أـتـراب وحـجاـرة

شباب الزین ضحت والنعم نعمین  
 والله أنجوم تضوی بیهم الدارة  
 یظل جلادهم تاریخه موت ودم  
 من تطري القصص أسیاد أشراره  
 أنا أم الشهيد ألی رضعته أخلاص  
 سگیته من المهد وخضرت أشجاره  
 نعم أم الشهيد وما أطخ الراس  
 هذا ابني الشهيد ألما غلگ داره  
 ما ضم راس من خیم ظلام أشباط  
 خلاها ألفشگ زخات هطارة  
 نعم أم الشهيد وشیلتي بیضة  
 یظل أسمه علم ومطرز الشارة



## انتظرتك

لقد انتظرتك زمناً و زمناً ، لم ندري هل بعناك أم بعتنا ، نعم  
بعتنا لمدن الغربه... غريباً حتى القبور لها ثمن فكيف بالذي  
لا يملك الثمن ، الموت غالي ما قيمة الحياة إذن أكتب كلماتي  
على صفحات الغيوم عسى أن ينزل المطر ، هل المطر بداية أم  
نهاية ، لم أسامح نفسي فقد أهديت عمري للسراب...

يا خسارة أيام عمري الوجلت أبليل الظلام

ما غمض جفني أبسلام

تاه منه الشوك ما يعرف سوا ليف الغرام

لا يطير

لا يغني ويا الحمام

انتظرتك

أتسلهم ويا الروح من تدنة المنية

تگابح وياي المنام  
 چنت أريدك بيرغ أمطرز شهامة  
 الشهامة أتلوگ للمدلول وولاد العمام  
 حتى لو ينكسر ضلعي تصبح الغربية حياتي  
 أبجياتي... وأبجماتي  
 ما أريدن شدت أحزام الرعونة  
 تنتظر موت الكمر  
 تگطف الصفصاف وتصيح ثمر  
 وتنتظر  
 اليمته أحنة تنتظر  
 مزنة سراب... أبلا غيوم  
 أبلا مطر  
 أرد أسولف  
 صارت الدنيا محطات وسفر  
 هندس أمخيم علينا

والتفك غافي أبكدر  
هوه هذه الي نعرفة  
أو قريناه أبفجر  
أصله من طين وحجر  
رسة وصلة من الغدر  
أشحلوة صيحات البدر  
خلي أعاتب  
نجمة الغبشة وضواها  
وجاغ كهوة  
أرد أعاتب دشت الديوان  
دلات المضيف  
شلون بعث المستحة  
وأنته تجيتي خلي أشوفك بالحلم  
أعيونه تربى أعلى البيان وزفتة  
يا عين أعمي وما صحيقي

خويه خلي العممة أبعيني  
 ولا هضمتي  
 لا خبز تنمور أمي  
 سايل الحنطة أشتريتي  
 يا لهب تنور أوجر  
 گلبي وحطة حطب  
 جيت أعاتب طلع البريم وأكلة  
 الشيص ياعيني رطب  
 العروسة أترید محلب  
 حتی سلي السعف ينحب  
 يا حسافة روعي بشتگها الوکت  
 أشلون تلعب  
 تلعب أخريزه وتطم الروح  
 بتراب المحلة الشال غربة  
 وينه اليفتح مضيفة

زارته طبت أمعزب  
الشيص تاليها رطب  
أنا بالسبعين خوية  
منهو أليسوة العتب  
شطول خلگك يا نخلنا  
آه يا زهوة بصرتي  
أه يا نخلة الديرة  
ما أضن طلعي كرب  
طعم العذبي وزلال الماي غضب  
كلها أخوتي وچلمة الخوية تردني  
يصرخ الدلال خلة لا تعة  
لا تذكره بساع يغضب  
ما أريد البس هدم  
أمفصل أبمنة أو وصاية  
تدري ماي الفضلة صعبة

أنصير سالوفة أحچاية  
ألف غمچ ولچ روحي  
أطیح من چفچ الراية  
ألف حيف وألف وسفة  
أطیح من أيدچ الراية  
ما حسبنا أحساب لعبة  
لا بداية ولا نهاية

## خلها سكتة

آخ يا طرشان الزمان والمكان ، لقد أتعبنا قطار اللوم والعتاب  
وضاعت محطات السفر ، إننا نواعير دروب الغربة وأرقام  
منظمة اللجوء ، متنا ونحن أحياء...

سكتة سكتة خلها سكتة

دمعة سكتة عشكة سكتة

موتة سكتة حجية سكتة

عشكة تايه ما عرف چا شنهو قصته

لا حلم وجة أبحرثة

ما هو داري وين وكتة

ليله هندس ليلة ظلمة

محمد أبوگف دمعته

هييتة ومرعز زبونة

والكلبدون أعباة كلها سكتة  
هر في الليالي باكتة  
لا فجاجين أيمضيفه لا وجاغ الدلته  
لا ولا فرشت عباته  
حلوة مرة أشلون ضگته  
أشلون عفتة ضاع عمره  
خلص عمره... نار جهرة  
مرة عثرات الوكت  
غاد وبسجن الرمادي  
أبنكرة السلما صيف  
بالعمارة گضة وكته  
ياما جبل الموت أگلادة أو شم طرز رگته  
ياما ترچية المنايا  
ناغت و غنت أبزفته  
وياما ياما



وبعد أعدهن ياما خلصن  
 صار ملج الموت حصته  
 خلها سكتة  
 أنا ساكت أجروحي تحجي .. أجروحي تشكي  
 أشلون بجروح الولف التحجي ونتة  
 حتى دمي وشل بيها  
 تنتظر زفتة ودشته  
 ما رهم مخيط عليها  
 لا وشيعة شوگ تتراقص أبشفتة  
 عشرة أبدرب المحبة  
 آه صومي يا صلاتي  
 حجلي يوم العشگة  
 أنتظرته ... أنتظرته  
 الريح تنشد خلها سكتة  
 المطر أيصبح سكتة

الماي ينشد... خلها سكتة  
 الناس تسأل كلها تسأل  
 يا دواليب الحزن غصبن لفتني  
 شنهو أذكر ، وش بقالي  
 شنهو عفتة  
 الريح تسألني ولك وين المحبة  
 وين زرع ألي زرعة  
 ليمنته تبقى أتسامر  
 الحرثات ما لاكي عتبتة  
 يمته... يمته  
 يمته نجم أسهيل هلهولة عشگنا  
 يغني موال العزفتة  
 يمته نجم الغبشة هلهوله عرس  
 لمه زلم بيرغ رفعتة  
 المضاييف تفتح البيان

والدلة سوايف الاهل  
طيبة كهوتة  
أحاه مزنة شوگ گلي  
منهو أيطفي جمرته  
يا حسرته... يا حسرته  
الهور دلوعة عشگنا  
المای والناعور  
عهديك دوم صنتة  
المدة عوذة هجر أسود  
البعء سالوفة صعبة ما عرفته  
الجزر خشل النوايب ما حفصته  
الخورة والسياب حرثات العشگ  
بستت الهیوة لحن بصري نشدته  
تگدر أتغطي الشمس وتبوگ سکتة  
تگدر أتطفي الکمر وتصيح نلتة

تگدر اُتطگ النجم بچيلة تفگتة  
يا خسارة روجي غازلها الوکت  
عمري خسرتة  
يا خسارة اُعيوني راحت  
والبيابي ماي أسود خو کسبتة  
ويلي منج...ويلي مني ...  
آخ من دهري الکسري  
أنا مافد يوم خنته  
عود من تالي العمر شيب وهضم  
أنتظر شوكة ولهفتة ، خلها سکت ، خلها سکتة

## انتهيتك

أشتاق للدفء ، أشتاق للحنان ، أبحر إلى شواطئ الطيبة ، لا  
تتوقع من الصفصاف الثمر ، حاول أن تعرف الأشياء حتى لا  
يصدمك المستقبل...

اشتهيتك

أدري يحبيب بلاك الدنيا مرة  
أنا عايش بالدروب وروحي كدرة  
أدري هذا العمة أبعيني  
وأدري بيك أنتة التكدرة  
من زمان الروح عندك  
ما رهم غيرك عليها  
والگلب منهو اليصرة  
تدري هو العمر واحد

موش عمرين وأگولن خل يولي  
 سلميتك بيدي أمرة  
 مدري أنا مدري أنتة  
 مدري حي مدري ميت  
 مدري أبنادم اليحفر بيده كبرة  
 الشماتة والملامة فوگ قهرة  
 منهو أيهل التراب  
 وهو يتوسد الحفرة  
 ما بقى حفنة عمر يصرخ علي  
 شنهو يتنطر بعد  
 چودرن أيام كشرة  
 أنتظرتك بلكي تصحة  
 بلكي أغيومك قل فد يوم مطرة  
 تبخل أبمزنة مطرعل سلمك مفتاح عمرة  
 أشتهيتك

أشتهيتك يا صبي العين وأكثر  
أكثر من أعيوني أنتة  
أنته شرباني وكبرتي  
أنته تحضرني أبجياتي وبماتي  
أنتة يا حبي الأكبر  
بس أطيح أنشوغ روحي  
وأبقى أنتظر چلمتك  
بس تگلي أسم الجلالة  
اسم الله عندك  
صاحي أنا موش مخطر  
بس أشمن ريحتك  
هيل أصلي جوري نسرين وتسطر  
ما ردتني... ها عفتني  
بديرة الغربة أتركتني  
لأني طاير لاني حاط

أبسدي تاليها الوداع  
بلهفة أنا  
لهفة المفطوم لأمة  
المارضع يوم أبصدرها  
ما هو متوسد حضنها  
أشلون محلبها يشمة  
شلون يگرب  
ياهويمة  
تايه وضيع أللمة  
ضاع أبوه ضاع عمه  
تاه من كل الحبايب  
ما عرف چا وين زلمة  
تايه أبصحراء ومضيع طريقي  
شمرت جودي  
گلت أنتة ألماي أليّة



تضحك أتشجع الليالي  
تبخل أبجلمة خطية  
أشتهيتك بليل ظلمة  
أشتهيتك بليل غربة  
تدري ليل الغربة صعبة  
شلون تگضي وي اليحب  
تايه أبوسط الدرب  
تايه أمضيع زمانة  
كلها أيامه تعب  
ما غفت لحظة أعيونة  
موجرة نار و حطب  
والكلب  
والكلب ضيع عتبة  
مدري وين ومنهو اليسوة العتب  
أشتهيتك أتصير الي حلم الليالي

أمنین یغمض لی جفن وین الوسن  
وک صار لی میت دهر  
وش بقالی  
ما أريد أترجى رحمة  
ولا أريد أسمع خطية  
ولك أترکني یخایب أنا والمیت سویا

٢٠١٣\٩\٢٠

سیدنی - أستراليا

## السراب

للحياة ، للحصاد ، للمطر، لدفع طبول الأمل للغبشة التي  
طال انتظارها ، متى يأتي الربيع ، متى تأتي يا ربيع القوافي  
والحروف، لقد أتعبنا صمت المقابر ولغة أسواق والثرثرة  
وعناوين الإنشاء...

وينكم

چاوينكم

يلي جنتوا أزماط أبوي

أحزام أبوي

المابطل يوميلكم

مستحيتوا شكثر غشمة أوجهكم

چنتو للسجة محطات وسفر

كل بيارغنا علت بچفوفكم

ما رخص مايك يا دجلة  
 ولا الفرات أنباع سره  
 دوم موزركم علگ بصدورك  
 دوم أمي أتگول أخوتك  
 جنجل أبشذره وجرس  
 والتمايم طرزت منشورك  
 آه يا ضيم الحنة  
 الماعرف درب الشمس  
 تاه دايح بالحلة  
 ضاعت الحرثة السلفكم  
 صاح وي ليل البنفسج  
 أصبحوا... أصبحوا  
 حكي أگابح  
 ليمته تغفة أعيونكم  
 وليمة سيف الذيب يلمع

يجرح ويحتل وليكم  
يحصد الزينين ذولة أهل العغل  
الرافضة أتعيش أكلة جدية  
وتنتظر تدبيركم  
تنتظر صيحة الحلوة  
أيطش شلبها  
لا أبعسكر لا أبعادرس لا أبمصنع  
لا ولا كلها ممنوعة عليكم  
وهمة همة  
يا مسج بطيوبكم  
بشروا... بشروا  
يا شماتت عار صاح أبليل ظلمة  
وقعوا صك الدناءة  
طاحت الغطرة وبجت بدروبكم  
شنگول للسلمان

للنكره وقواویش الرمادي  
 ولك للحلة للعمارة البقت تشكيلكم  
 حتى شارعنا التحنة بدم شهيد  
 أترابه هيل ومسج عنبر  
 ييجي يشغب ها ولك أشمالكم  
 صرتوا سالوفة الغبرة وغافية برموشكم  
 لا يروحي  
 الهور ما يرضة علة الغبرة  
 يوج تنورك  
 الجبل بعد أعلة حالة  
 ما هو كيظ ألي لفانة  
 ظل علة أمتون الربع تاريخكم  
 هاي برنو مهر عرسة  
 هذا موزر شمع زفتة  
 الفشگ مثل النجم ضاويلكم

صاح دلال العشى  
وسط السلف  
ها يلربع أشباط هو أشباط  
حاصودة وبدة بهروشكم  
المات مات... الراح راح  
اليتامى والأراامل والجراح  
صارت الحنة رماد الموكد ألنا  
وننتظر چلمة تدك ببيانكم  
لا غناوي بالحلة  
ولا الهيوه أترفك حزنها  
وضعنا أحنة  
ما كسبنا كل شي غير أحلامكم

٢٠١٣\١٠\١٢

سيدني - أستراليا

## أنت مثلي

أنا بين الحياة والموت ، الألم يجتاحني من كل صوب حتى  
دمعي خانني ، لمأساتي ولغربتي وفراقك ، إني أعيش على أمل  
لقياك في يوم ما ... آخ الخيانة...

أنتة مثلي  
مسرى للتاية  
وشكبان المحبة  
هضم لوعات البعد بديار غربة  
نسمة أعذيبي  
علة أطروش المنايا  
الوچرت أهروش گلبة  
يا جناجل زفة الغبشة  
ولهيف الطير لو صبح أبسربة  
ضاع من عندة دليلة



تاه ما يرجع الدربة  
أجروحه ما تعشگ الذلة  
أجروحه سيف أجروحه حربة  
لا قريب لا بعيد  
دهمت دنياه طاعون النهاية  
أتعيش غربه  
وين عشگ أصباه لو دهمت ظلمة  
صار قداح التفگ والمای تربة  
موش عذبة  
تربة تربة  
أشرخصك شط الطويسة  
الناس كلها أتريد شربة  
أنتة مثلي  
أنا من مسراي ظيم  
أمگمط بلوعة وحزن

الزمن يردح علة أمتوني  
 ولا چني أون  
 أمعاتت النشغات وي الروح  
 صدمات ومحن  
 حتى عطاب الجرح بطل يحن  
 المطر شح من أدية  
 منهو أيگول الخطية  
 خلي هاونا یرن  
 وين دشات المضایف  
 سراجنا البدد الظلمة  
 ننتظر أيگول چلمة  
 بیرغ الربعة بکبرها  
 تحچی حلمة  
 أطلابة بربات أمة  
 أنتة مثلي

شايل الريح أعلة چتفك  
مهرك أذار  
ما ضيعة عرفك  
الخطة والمواويل القديمة  
ريلنا الماعرف ولفك  
عافنا ما هاب طرفك  
وي عمت عين الليالي  
تاها من غير والي  
امأ منة مثلوم سيفك  
ما لا تالي  
أنته مثلي  
طلعتي ثورة وبركان وغضب  
جوع أهلنا  
ذل حباينا بباب السجن تنحب  
وهضم أمي وخواتي

أباب سجنك يالرمادي  
خلي أترابچ ینگرة  
خلة يحجي أيصير ذكرة  
سوط جلاد ونقوش أجروح تبجي  
آخ يالسلمان أيام الربابة  
ليل أظلم ربح تصفر  
آخ يالضيع شبابة  
أنته مثلي  
أدور بيك الأسطوانة  
مثل ناعور الدمع  
صرخة أجروح المحقق  
كل سنه أتخضر طلع  
صارت الدنيا حمامة  
آخ من كسر الضلع  
صاحت الوادم ملامة

أنطفئ موكد عشقنا  
فاضت أنهار الدمع  
الربع أخ الربع  
أنته من وجهك ثريا  
النجوم أتصلي لأجلك  
أتصيح للغبشة تعالى  
تسجد أتعد الليالي  
تنتظر دشة الغالي  
أنته مثلي  
عيونك الوسعة تضم تاريخ أسود  
تشتهي أتنشره على الحلوات زفة  
ماكو وسفة  
ما هي كلفة  
تشتهي زواكة عروسة وثوب عفة  
والگمر يضوي أبعرفة

يغني ويرقص أبجفة  
ديرم الحلوات منشور أيتاغب  
ما هو صدفة  
يرفض أحجاية العطفة  
أنته من طبتك سفينة أشراع  
وبحر الملامة  
شوف يا سفان شوغي  
هذا طوغي  
ما تجل فد يوم نوغي  
أنته مثلي  
أثنينا أتوضينا أدينا الصلاة  
صلت النجمة ورانا  
تنتظر صرخة أباة  
شلهت بينا السفن  
صاح درب الموت

ما ألكم حياة  
أسمع الواشي يهلhel  
بخنجره وسيف الطغاة  
أنا أعرفك صاحبي وتظل تچيتي  
چنت بالمحجر وأيام الرمادي  
كلها خلصت بانفرادي  
ألن أشكي حتى جلادك ينادي  
خلها سنطة خلها سنطة  
يا بلادي.... يا بلادي

## تظن أنساك

أناديك من زمنٍ آخر لا يعرفنا ، من حلم لا يعرف الليل الليل  
ستار ، عمري يتهاى للرحيل ، قطار النهاية يصرخ شوقاً وأنا  
غريب عن السكة والناس، أنا تائه في زحام العالم المجهول...

بجيت وما بجيت أعليك  
حزنت وما حزنت أعليك  
جوري ومسح ريحة هيل  
شبوي وتعط باليل  
وداع وريل  
مهرة أكحيل  
ومزامط تشد الحيل  
ألف نجمة تضويك  
نظل أنساها الياويل



تظل أنتة الحبيب أنتة  
ينجم أسهيل  
هلا أبلگاك  
يا محلاك  
يحزام الوكت أتناك  
تظن أنساك  
روحي أويك  
سامع بالثريا أتروح  
ورد واتفوح  
ما ظلي حمل مطروح  
يادگه برفيف الروح  
ما ظنيت عني أتروح  
تركتني وحيد  
بس أجروح  
تظل نجمة الغبشة أمعلية وتلوح

حزن تاريخ ما يخلص  
حزن خنساء دوم الدوم  
وي غم المنايا أتحوم  
هر في أبيوم  
حزن وينا شغ أبجرفك  
دگيت السمة نجمات  
كلها أموسدة أبجفك  
زبون أمطرز أبفضة  
حرير ولايگ أبطرفك  
ألف يا حيف  
يا حيف المنايا أدور  
دموع أبدم  
سگم علگم سم أبسم  
صهيل الخيل من تلتم  
يخسة الموت يا ضيغم

غدار الوكت أدرية ما يرحم  
بجيت أبدم  
ثغبت أبهم  
ثارية الفراگ أمحزم أمولم  
أحن أعليك  
حنين الناکة من تحلم  
أحن أعليك حنين وشوگ ما ينظم  
حنين الوالدة الأعظم  
أحن أعليك وصيحن آه  
آه آلاه... أتألم  
حببي أمسرجة المهرة  
بجينة والعتب ألن  
على العشار... على البصرة  
على أدروب الطويسة الدوم منتظرة  
شنو عذرة

خلها النار لا تسأل  
 خلها دوم مستعرة  
 ألف حسرة... ألف حسرة  
 أدري البين حزمنا  
 أدريه المعير چودر أبسدنا  
 شنهى الموت أنتة الموت  
 يل المدلل  
 تلگيته أبحنين الصوت  
 فرگة وموت  
 يا حيف وألف يا حيف  
 مزنة صيف  
 تالية العمر يتفرهد أعله الكيف  
 دگلي شعتذر لل لاين الرابع  
 يا عذر التقبله السينما مني  
 لو سألت على المايح

خبر شايع  
گمر ضايع  
دگلي شعتذر لدروب سچتنا  
ربتنا حنتنا  
جدايل شوگ حنتنا  
زفتنا  
شموع وياس زفتنا  
وينك أنتة يا مدلول  
كلها أتكول  
يا ريجان عمري خل عتبنا أيطول  
خلة أيصول  
خلنا أنعاتب الأيام  
ليش وليش  
وچم ليش التشيل أشراع  
لوعة وشهگة المعلول

أهي يوم وأقول أتزول  
شگول

شگول البصرتك ولمصرف الضرعان

دشة عيد أمل ويجول

سنه وسنتين حزن المات

هم يخلص حزن مشلول

شنهي أينول

أخبرك أصبحت مشلول

أنا المقعد المشلول

## جرف و نلظ

تعالى ، كالمطر على غفلة ، كالموت ، كالحب إلى القلوب  
خذي من كفى البارد ، لا تلتفتي لفضول عيني ، إلى  
دهشتي ، وأهربي بي بعيداً خلف السفن الواقفات على جرف  
شط العرب... النهر الصامت...

تظن سيدنى تنسينى  
أنتة النور البعيني  
نبض والله بشرائينى  
نور ونار دفينى  
أحلفك بيش دفينى  
أفرح روجى بدروبك  
علة بختك حرت وياك  
همت أويك

ألف تذكّار ألك عندي

شبع عندي

بعد عينك شسولف شنهو اليطري

حلم وردي

حسافة ويا حسافة الروح

رفيف الروح

وننة لوعتي وسعدي

سفن تتسابگ وي الريح

أشراع العشگ دردي

من أشوفك تضوي هلالين

تبشر شوفتك عيدي

شمس تضوي

عشگ بدوي

نbec صافي

حالات النبع من يروي



أفراگك نشف الشفتين  
غزل أتناه من أسنين  
تاليها حزن سديي  
أعلة عاصف ربح  
أيام العمر تطوي  
أغنيلك ألف موال  
أحطك حرز بالدلال  
أخاف أعليك من الناس  
أمدل دومك أعلة البال  
أنذرلك شموع وياس  
خضر الياس  
لا تسمع حچي العذال  
أنا وياك جرف وشط  
لو طال أالعمر لو طال  
تچيتي ياعمد بيتي

دمع سیال  
 تچیتی ومن اَکولن آه  
 زرت ضیم هدت مهرة وخیال  
 خلاینی الزمن غربال  
 سبع اَکتار اَنزف  
 ما اَوجد الحال  
 صرت سالوفة المکصر  
 مسطر للحچی والگال  
 یاخذنی الحزن زخات  
 خرزة اَبسبحة الفوال  
 ظلمة والشته والصیف  
 شلون اَتمر علیه اَشلون  
 کلها اَمدلغمة وسیوفها چتال  
 بالسبعین طیری اَیحوم  
 اَجر وحي هَد اَجبال

ما يكفى السجن والضلع يصرخ آه  
ما يكفى حچي الأنذال  
لا سوط الثغب بشباط والسرگال  
چثيرة أهومم أغزل والوكت  
سيل ونزیز وشال  
صبحت تمثال  
مدريت الزمن غدار  
مدريت الزمن حيال

٢٠١٥\٢\٢١

سیدنی - أستراليا

## حرثة سوالف

اختلّ الميزان وضاعت القيم وانتهت الرحلة الطويلة وأنا في  
بلاد الغربة أتعاش مع السراب والخداع وأحلام مذبوحة ،  
لقد اغتصبوا كل شيء ، لهم للصمت أغني...

مو گلتلي

الشمس مشراغة أبسلفنا

لازم أتسير علينا

أحنا حسابات الوكت كلها أبأدينا

الگمر ضوة تنانير المحلة

أوجرت خير ومحنة

ياس قداح أبتدينا

نسمة أعذيبي تدگ باب المضيف

تدري دگ باب الغرب ذلة وهزيمة

يلي صد وجهه من أجينا  
وداعتك ما حسينا  
أنصير نص  
أنصير قصة  
وتنسي أسوالف عشگنا  
صرنا للجولان والغرنوگ حصه  
هاي تاليها أصبحت حرثة وسوالف  
للي يسوة وللي مایسوة  
وكصر في البواري  
أشلون بالمشلول نصه  
أحاه يالعار أالفانا  
وينة أخو خيته اليگصة  
چنت أگلهم يا ربع عشگه محطات وسفر  
عطشان أوشح المطر  
وصبحت وسفة تمايمنا حچي سوالف أبغصة

أصبحت عوذة علگنا ما تشور  
صرنا قصة عنتر وعبلة  
وألّف ليلة وليلة  
هية شنهو الالف ليلة  
هية هم أيام رمشة عين  
للفارش شليلة  
أحاه يجروحك يگلي  
أمخزنة وكلها عليه  
خزنت حتى بياب العين  
والأعمى دليلة  
ولج روجي شكش وکحة  
هاي کلها أجروح تاليها قليلة  
آخ ياجوري الخميّلة  
أمعاتت وي الروح ما تقبل ذليلة  
لسة عيني أتجابس الغدار وشراع المهيلة

چنت أشوفنا كحل  
أمدل ومزيون وعيونة الكحيلة  
منهو المثيلة  
ياحسافة أسوالف العشاك  
والبستات والهيوة الجميلة  
يا خسارة عمري وسبعيني ضاعت  
أصبحت ونة ثجيلة  
صرت سالوفة سلفنا  
كل وكت صبح ومسية  
هاي تاليها صرت راس الشليلة  
كلها حيلة كلها حيلة

٢٠١٤\٩\٢٧

مشفى الراهب غرفة ٨

سيدرني - أسرايا

## سرور

نشفت دموعي يا زمن ، المطر لا يطفئ عطشي ، ربيع هذه  
الأيام لا تثمر فيه الأشجار والأزهار سرق أريجها ، أشد الرحال  
في الظلام وسط الليالي لأنني أخشى رايات الشماتة ، لك يا  
سرور ما أردت...

هو بيدچ لو بديۀ ياسرور  
و كحۀ دنيانا تدور  
تحرگ اليابس والأخضر  
بعين صلفۀ وي الليالي  
أتحارب أبغدر وقصور  
لا دموع أيفيد بيها  
لا صبر يگدر عليها  
ولا جروح التشتريها



والگمر بطل ظهور  
صلفة دنيانا سرور  
مثل وردات الحدايق  
وحدة جوري وحدة ما بيها عطور  
بجرمانا أنا تايه  
صرت ناعور اليدور  
آخ من ساحة الرئيس  
آخ من نصب السيوف  
جسمي چانون ويفور  
ضاعت أدروب الأماي  
الوطن موت وحقايب  
درب أظلم للعبور  
أصبحت دنيانا گشمر  
عمت عين الزين بيها  
أمظلمة تحفر گبور  
راح يا دنيا الوفي

النشمي اليوفي الذور  
 يشعل أشموع الحنة  
 يغني يا ليل البنفسج  
 تستمع كل الطيور  
 صوت بلبل نخل عالي  
 صوت كوكي  
 تايهين أبگاع غبرة  
 صرنا أحروف أبسطور  
 ضعنا ضعنا  
 بين أهات الليالي  
 ودموع أفراگ الأحة  
 بين أمواج البحور  
 ماي عيني  
 وكحة دنيانا سرور  
 صارت الدنيا عگارب  
 والنجهم شط شماتة

عيوهم تجدح شرور  
أهضم دلتنا الجيرة  
الأوجاغ أنطفت نارة  
كلي أمين العبور  
شلون كليي يحلوة  
أمين ياتينا الصبر  
چا وين أولي  
أمين يا حرثة المرور  
سيفي بيدي أرد اثور  
آخ من حزن العلية  
أبحور سودة أبلايا سور  
عمت عينك يا زمن  
هاي تاليها أدور  
طفح ملح الكاع يية  
صار زرعي أبارض بور  
وانت تدري أغليي فدوة

مثل شبوي المسة وعطر الزهور

يا سرور يا سرور

راح أوج دلال روحي

أشعل أشموع وبخور

بس أريد أهجع وأغمض

أصرخ أرجع دار دور

بس أريد أرجع لحضنچ

شوفي هاي الروح شاغت

والوكت سيفه يجور

وين أولي

ديرة الغربة تجور

يا سرور... يا سرور

آخ يشراع السفينة

ماي عيني وهفتي

أحلى من بدر البدور

يا سرور... يا سرور

یخجل النعناع منچ  
وینتفض أهل القبور  
آخ یا عطر البنفسج  
ریحة القداح وأطياب البخور  
دومچ أمضویهة علینا  
مرة شمس ومرة نور  
نورت سیدنی أبصباحچ  
وغار لگاحچ یحور  
کل جبال وکل بحور  
کل جمال الچان عندچ  
دنیا.. دین.. ومزهریة  
أمل دایم بالصدور  
شدة الیاس وعطرها  
یا سرور... یا سرور

## ضاع المستحقة

موحشة غابات الانتظار ، وقلبي عالق بين مخالب القدر  
القاسية ، تتعلق أطيافي بالقدر وقد أتعبني المسير...

عودتني شوفتك سيف ورمح  
عودتني أعيوني ألك  
صوباط حنية وفرح  
وي عمت عيني وعمري الضاع مني  
أبلحظة وقوس وقزح  
عرس الحديثات يا سكر نبات  
كتلي أصحة الدنيا ما تسوة  
ترى حچي وشمات  
شفت تنور الليالي  
عالي ... عالي

شفت ناس أبسجة عوجة  
كلها أشباح ورفات  
شفت كل شي  
شفت أخضر شفت أحمر  
وشلن أسنيني بصمت  
والكلبدون أبعباتك  
يا وسافة من الصغر الحزن فات  
ياحرمة خلص عمري  
مالي بالدنيا ثبات  
الهضم چودر عليّة  
حطني كر كوشة أبعباتك  
لا كلبدون أبعباتك  
خليني بين أجفونك الحلوة  
عطر صوم وصلاتك  
خليني سبحة حرز خضرة

تحرسك تبعد و شاتك  
 چنت اگلک دیرم العشاگ  
 یا نجم الثریا أشحسن ذاتک  
 شوفنی أبلحظة سعادة شنهو فاتک  
 ما شفت حنیة منك  
 بعث بیه و شتریت  
 گلبک أسود  
 ما گلت أنا أشتريتک  
 لا ولا حتی أبگباحة  
 شفتک أهد سدی غزلی أبوکاحة  
 وتنثر أبنص ریح عمري  
 وجهک أبلا مستحة  
 ضیعت ذاتک  
 أشلون یالیل الغدر شنهي صفاتک  
 لیمة تبقى یا وشیعة



أمدسمله مضیع حالاتك  
من لفاك الموت گتلك لا تفز  
صرت حرثة لمشتهاتك  
آخ يابو وجه الأسود  
كافي كافي  
گول لحظة مستحة مرة أبجیاتك  
ها عرفتک  
أنتة مني لو علىة  
وي عمت عینچ یدنیا  
های تالیت الجررة  
های تالیه العمر قشمر معزة  
های تالیتچ یدنیا  
ناصره دومچ عزة

٢٠١٤\٨\١٠

سیدنیچ - أسرا لیا

## من متلفى ليفربول

نوارس الطفولة سافرت ، وقد ارتوت من شط العرب...  
سافرت بلا جوازات السفر وحقائب دخلت القلوب دون  
استئذان... صليت من أجل نسيانك ، صليت لك وحدك...

كله مني  
أمنت بالذيب وكلت الدنيه گمره  
أدري طبع الذيب يغدر  
منهو أيا من بغدره  
سيفه يصهل هذا ديدانه وصفاته  
صلف أمره  
گلت بلجي الطوش يصحة  
والحشف عگيد هوري  
أيخضر بمزنة مطر ما ينطي گطره  
بلجي لوعات العمر بالشيب تبره

أدري كل الناس شح الماي عدها  
أتصيح للغبشة تعالي  
أبزود مطره  
چنت ألويللة علة أعناد الوكت  
ما أخلي أعيوني تغمض تنسه فجره  
ها أخوتي أحزام ظهري  
ها ربع حلو المضاييف  
خلنه نتنومس أبصدره  
ها ربع ذيج الليالي  
أتخزمت بزماط وزره  
خل يصير أشما يصير  
خل ظلام الدنية كلها  
أيصير بجفوفي غضب وحنة خضرة  
ياهاهل صوت شامت  
وجه عالحيطان حدره  
ساهرت ذيج النجوم

الضوت الصوين وأربوع الوطن

راح شطره

آخ يا خاين العشرة

أشلون يدباغ العشگ

تصبح أبگلي هظیمه

أنچیم التنور جمرة

أنا بالسبعین أنوئي

طیبي طيبة البصرة

هاي تاليتي طريح

لآني نایم لآني گاعد

لآني میت لآني حي

طیر ومحنت أبوکرة

مثل أيوب أصبرت

ما خلص فد يوم صبره

أعیوني صبت دمع عشرة

خفت نورک وین شمعات العرس

صاح هضم أشباط چا وين أليستره  
أشلون بالسود بياي العين  
وأدموعه ترف روجات عبرة  
أشلون نعناع الزمن ينلوي أبكسرة  
أشلون لبلاب العشگ تالي الوکت  
أعيونة تعممة بحزن غربة  
موملامة ولا عتاب ولا شماتة  
لچن صرخة صوت چفنها الدهر  
طاحت أبعثرة  
أشلون چانون العتب ما يطفه جمرة  
أخازر أنا وياک يل ما تسوة نظرة  
کله مني هطل صوباط العمر  
وشوکت أخذ العبرة

٢٠١٤\٥\٣

مشغى لیغربول الطابق الخامس غرفة ٢٧

سیدنی - أسرالیا

## مزنة مطر

أشعر بالظلم وأنني بعيد عن العالم ، لقد فقدت خطاي وأنا  
أبعد عنك ، لقد فقدتك عندما لم أجد من يخرجني من حيرتي  
وجنوني ، أنفجر بكاءً ولا يسعني العالم ولا يهمني أي شيء  
غير أن أراك من جديد....

روحي غيمة

بس بلا مزنة مطر

تايبها عمية نظر

لا جواز

لا حقبة للسفر

مرة مطري أعلة الحبايب

الغافية بليل السهر

ليل القهر

بلکي أیخضر ثمر  
أبتسم والبسمة دمة  
أذكر أدموع البشر  
أدری بعیونک نجوم  
أتشوف لكن ما تشوف  
أتغیب لكن ما تغیب  
حتى نشغات الشریا  
أجروحها علگم وشیب  
یجی یوم وتستجیب  
یصح للدنیا تعالی  
همومها شوگ الحیب  
منهو حاضر ومن یغیب  
روحي خیمة  
دلة وفناجین ومراحل مضایف  
ردست أحديثات لو طال البعد

أمسامرة حچي وسوالف

النجوم أتغني أتنة

الگمر صيحة العارف

والشمس ضوة الطارف

أنا أعرفك ما أخالف

ولا أسولف

لا وحگ دم الشهيد ودمة غالي

كل أسم منهم يضوي بالعلالي

ماگول أزماطکم يا ناس خالي

هم تذکرون الجراي

لا شراع یجر سفنکم

والسفن ما ألها چالي

تدري بية

سلمت مفتاح عمري ما بقالي

سلميتک أنتظر دشت الوالي



أنا بالسبعين ما ظلت توالي  
ما أفرزن يا جنوبي يا شمالي  
أنا أعرفك  
سيف ما تجهب الظلمة  
ما هي حلمة  
ما تجي حتى أبجلمة  
ولمة الزينين لمة  
بلكي ها تصرخ أبساعة  
ساعة وحدة أتزيل هممة  
هممة هم الناس  
من تصرخ أبظلمة  
هممة هم الناس لو شدت حزمها  
أتگول ولمة  
ألف غمة  
ألف غمة للشراع الماحمل شوغات بلمة

شلون بالضيع عبانة  
وطاح منه جرغد أمة  
غمة غمة  
روحي طير أجناحه غبشة  
أيحوم ضد الريح  
خلة أشما يصير  
أشما يروح أشما يجي  
أشما يستدير  
اتصيحلة النجمة تعال  
ايلوگ ألك زفة أمير  
خلها خلها أشما يصير  
أعيونة جدحت بالرمادي والعمارة  
تشهد السلطان أيام جثير  
سنين خمسة يستجير  
ينتظر ليل البشير

يتنة الصفصاف يثمر  
وهو مگطوع الغدير  
هية من العين تعمة  
يجي يوم وتستنير  
لو يظل دومة ضرير  
أيريد أعمة لو ضرير  
أيريد أعمة لو ضرير

## ما أحب

سأعود طفلاً عاشقاً مدلاً ومشاكساً من جديد ، أعيش  
ساعات وأياماً مع شعاع الشمس سيطل علي يودعني وأنا  
بنشوة الغرام ، ستنزل دموعي أبداً تبحث عن أمان لبقية  
حياتي...

لا يدنيا

هية موش أثين هنة

لو تحب لو ما تحب

هنة لوعات العمر عثرت أسينة

هنة صول أشباب عمري

ألما عرف يوم التجية

هنة غنوات الفجر

سيف الغدر

لا ولك صوت الشماتة  
بيرغة اهلهل عليه  
شنهي أشظل أبأدية  
من أعدهن أتشوغ روعي من التعب  
من أجلبهن أتيهن  
آخ يا درب ألي حنة أچفوف أدية  
موت طرواه وعتب  
مدري روعي وين شاهت  
وين ضاعت  
ماكو شاطي ولا جرف  
أشلون أرجع للسرب  
وطيورنا بالهور تعبت  
والعشگ هلهل غصب  
وطبة الزينين طبة  
طبهه طبت محب

يا حريمة البردي والجولان يصرخ  
 يثغب أوياه الغصب  
 سلهمت أعيونا  
 أحنا كاتلنا البرد  
 شح الحطب  
 شح الرطب  
 صاحت الظلمة علينا  
 لو تحب لو ما تحب  
 هذا كلة أو ما نحب  
 اليحط جسمة جسر  
 وچفه نار وتلتهب  
 وعمره ما يوم أنحسب  
 هم تگلة ما تحب  
 بيدك أنتة يا شهيم فرگت عمره نذر  
 چلاب ومدگگ شذر

نُجْمة و گمر  
يا حلاها أتصيح بالغبشة  
تعالوا ولك يكفيكم قهر  
خلي عينك تغفى ساعة من السهر  
ياما غنينا البنفسج  
أبنص محطات السفر  
چان گيظ وچلة چانت  
چانت الظلمة تدك عمري أبخطر  
أنا أتزوگ مراجل  
هيل ويفوح أبعطر  
حتى جيران المحلة دوم تسأل  
يمتة ينطر الفجر  
يمتة تنور الحبايب  
يؤجر وينشر خبر  
يمتة صوبايط الجبايش

يصيح ياسيحيان أبشر  
وييتسم حتى الشجر  
يمتة يمتة  
أغيو منا مزنة مطر  
يا قطار العمر وجد  
صدگ سبعينك الفات  
صدگ ضاعت صدگ ضاعت  
وين راحت  
وأنا عايش بالصبر  
شلون خلص هالكدر  
يصيح للحلوة تعالي  
أمديرمه بديرم حمر  
هدومها عنبر كلبدون و حبر  
الجدایل سودة تتحدة القدر  
بلا وطر



هية غصن البان تمشي أبلا حذر  
تالي ما تالي جرايد  
أتصير حصتنا الجرايد  
نكتفي أبجرف وسطر  
ألف مبروك الجريدة  
وألف مبروك السطر

٢٩ \ ٣ \ ٢٠١٤

سيدني - أستراليا

## كافي

سأطلب من الله أن يبعدني ، أن يساعدني على نسيان حبك  
وشوقي إليك ، لقد احترقت في سبيلك ، سأسمع صوت الرعد  
وستضيء عيني مع البرق لن أتذكرك كافي...

هو وينة البعد يسوة  
وتجري أدموعي عليّة  
هو ياهو الكال عونك  
صاح أنا أشتريه  
شنهي هية الروح عطوة  
تتنه دلال العشك أيصيح شروة  
لو مطر غيظ أبجذب حبك يجيه  
شنهي أدموعي رخيصة  
وأنذر البرغ شماتة

روحي نسمة ربح وينة اليشتريه  
 رحت أضمد جرحي بيدي  
 أجروحي تنزف دم تراهي  
 هم بعد تدنة أليّه  
 هم تظل تترجة بيه  
 شظل بعد بالروح وأنهار الحبة  
 نشفت وتنشغ عليه  
 يا مناحة روحي الماتت على أجروفج يغريرة  
 وأشتهت طليع برحي  
 وماي لگاحج يشربه  
 أشتهيت أعيون ما بيهن نفاق  
 عيون سمرات الطويسة  
 عيون حلوات العراق  
 أشتهيت أعیوني تعمة  
 ولا يصدن لعد غيرچ

ونتيه بدروب الفراگ  
نصير سالوفة تطري بالزقاق  
أرد أسولف خلني أسولف  
شلون بالضيع مفاتيح العمر  
تاه بدروبج يبصرة  
ما يظن مزنة بيها ينتظر  
غيمة سراب  
عود تتذكر المطرة  
بس ولج بسج يروحي  
الراح راح  
هيدي كل الراح فدوة  
لا تگلي فرد مرة  
هم ترد وياچ ساعات العشگ  
دمعات حسرة  
هم ترد تنظر من الباعك

يرد ليك وتعذرة  
 هو وينة الدمع گلي  
 ما بعد بالعين گطرة  
 يا حسافة يا حسافة أو يا حسافة  
 روجي تنذل  
 أتنة طبة أمين  
 من خاين العشرة  
 والله اسمها الروح لو وچت أبجرفك  
 والله اسمها الروح لو حلمت حلم بي طروة أسمك  
 شنهو يخلوة العشگ گليلي لعبة  
 ذولة عشاک البواري شيص ثمرة  
 ما أريد الروح تسكن دار غبرة  
 دار ما تحمل رياح الزين وبلحظه تكسرة  
 ما تفرزن ياهو الراكب المهرة  
 وياهو ياهو

ياهو سيفه الماعرف فد يوم غدرة  
 ضاع بدروبج يسدني  
 سال منا الماي حدرة  
 ياهو اليحجي الصدگ  
 هو ياهو الصار عاشگ  
 ساعة سمرة وساعة شگرة  
 أيعتت الروح أجمذلة  
 وأنا أشعلة العشرة  
 عينة تتنة دموع عيني  
 ليلي ليل الصام دهرة  
 همة ما چنة العشگ  
 أشتتضرها منه نظرة  
 لا يروحي لا يروحي

## ليتش أحبك

لا زلت عاجزاً أن أعترف بأننا انتهينا وأن الطريق أصبح  
طريقين وأن الحلم الجميل انتهى وبدأت أمني العمر تتبدد  
كالسراب وأن ذكرياتنا أصبحت أطلالاً ودخاناً...

ليش أحبك

كافي كافي

أنت حطيت العمة بالعين كوة

ليش أحبك

وأنت سيفك ما بطل طعناتك كوة

ليش أحبك وأنت طفيت الوجاع

والدلال أبلايا كهوة

وليش ليش

ومدري جم ليش أعلة بالي

كـلـة هـذا

تبقى ذاك أنتة العزيز بعيني سلوة

تبقى ذاك أنتة الـكـمـر بالليل تـضـوة

من أذكرك تدري أيامي تصير أهواي حلوة

يلي طعمك طعم لـكـاح النخل

شوفتك للعين منوة

من تجي أعلة البال أهلهل

وأدمغ الدنيا أبـدـلالـك

الدلال أهواي يسوة

يا عمد روعي وتراه اليوم غالي

ليلو لا ألماس طروة

بلوة بلوة

أن تركتك هية بالوة

أن عشگتک هية بلوة

حابر أنا بين نسيانك



وكلبي أشلون ينسة أيصيح أهوة  
ياعثگ أبريم نخلتنا المرطب  
والسعف هلهل أبغنوة  
يا حسافة أسنين عمري الضاعت  
بدرب الطمامة وهية نشوة  
وك حسافة الغترة طاحت  
والعگال الطاح جوة  
شيلت أمي ومحلب الجرغد  
وچلاب الشذر أیضیع فدوة  
أي كلبدون المحبة  
الغافي أبفجة عباتي  
وين أروح وين أنوي  
منهو الیسمع الشکوة  
ريلنا الضیع السچة  
والمحابس غش ذهبهن

ورشن أبورشن الشروة  
 أرد أنشدچ لیش یا روجی الوکیحة  
 لیش أحبچ  
 وأنتة عینک یل گویة  
 وتنتظر بلیل سطوة  
 من أگلک آخ  
 وک الضیم هدنی  
 أتصیح عطوة  
 أنته والواشی علیة  
 وهم زمانی  
 لیش قسوة  
 من أهد أبسیفی یلمع  
 وسیفی سیف آیهوم ما یقبل النهوة  
 منهو آلی شال سیفة  
 وینخی أخوتة وکل عمامة

أيصير قدوة  
خل يصيح أبعالي صوته  
أيصيح صحوة  
خلها سطوة  
خلها بوكت حسرة النشغات ندوة  
خوية كل الراح وغيوم التجي أبدون جدوة  
أشلون أرعن هل الزمان  
الحوم مكسور الجناح  
بالسمة أطير ططوة  
أنا أگشمر روعي  
وأخفي أجروحي بيدي  
أنا محتاجك تجي أكون أدوة  
هو منهو أيجيب طروة  
والله أگشمر روعي بيدي  
بلكي أيفطنة زمانه ويمشي خطوة

بدوة بدوة  
 يا رخص شرطة البصرة  
 وشخطة أوراق المحقق  
 أتسير سهوة  
 والنشيد أشحلو شدوة  
 شكش علوة  
 آخ من ذاك الوكت  
 تالي طرشان أطلعوا  
 محمد يگل للروح تگوة  
 محمد يهز بيرغ شجاعة  
 ويصيح عد عيناك تجوة  
 أيصيح عد عيناك نجوة

## ما أريدك

أنا نخيل البصرة ، لا أنحني أبداً ، أرفع رأسي دائماً ، لأن في  
داخلي ثورة من أجل الوطن وللناس الطيبة ، الذي يولد  
يزحف لا يطير أبداً...

ما أريدك  
ماني طالب رحمتك  
يلي عشگك في بواري  
أدري سال العمة أبعيني  
أدري كل شي بالجرالي  
ما أريد أترجة منك  
چلمة أتگلي خطية  
من يصير أمعاتت وشوگ ومحبة  
تصرخ أتگول أشعلية

شلون بالسيف الذبحني

بيدة أسكاني المنية

صار دمي حبر قلمة

دون وسطر الجلمة

هذا همة

أيگول للوادم تعالوا

لمة لمة أشلون وأرماح الخيانة

نگشت أبضلي علامة

أنا أعرف غايته أعرف مرامة

للگبر جناز يمشي

يگول بستات أبلامة

يا سلامة يا سلامة

حتى مشية بأستقامة

يذكر أشواگة وغرامة

أيوصي الشامت يگلي

خلة ينسة  
أنا تدريني حمامة  
ما أريد أنكلي سامح  
خلصت أنكتبت نهاية  
مثل نجمة وأنطفت  
أوچرت بيه الليالي  
أعرفت أشلون زرعي أبكاع صبخة  
الوذان أيصير صرخة  
أنا أتنطر ثمر  
من السراب أتنة مطر  
أكتب أحروف السطر  
أدري وجة العمة أبعيني  
ضاع من عندي البصر  
أدري بالهيمه أتركتني  
وين ما وچي خطر

بس رمال التذري بيها  
كاع بور أبلا شجر  
منهو اليقدر الحبيب  
وينة اليقدر البشر  
هم نذبها أعله القدر  
أدري أنتة زاد أليّة  
زادي وملحي ومايي  
ما أريدك تلبس الأسود من أموت  
أنا أحب تلبس شذر  
هو هذا العم عليّة  
شلون أگدر أصطبر  
ما أريدك  
خلة الچانون يسعر  
من الصبح حتى العصر  
أنتة غني يا سلام



خل أعيونك تنام  
أحلام حلوة تمر عليك  
أنا عايش بالظلام  
ما بي رايدها الخطية  
فرحوا الشمات بية  
من گلتلي ما أريدك  
ذبوا الأسود عليه  
ما أريد أسمع خطية  
أمنين منك ...  
أتگللي خطية

٢٠١٥\١٠\٢٠

سیدنیج - أستراليا

## نحبك يا عراق

يا عراق ، يا وطني الجريح ، نذفت معك دمًا وبكيت من  
أجلك دمَاءَ سقيت فيها ثراك ، يا حبي الدائم الكبير شوقي  
لك لا يوصف ، لقد متُّ في سبيلك مرات وغنيت مواويل  
الوفاء من أجل جيعاك وتهت ولا أملك سوى صدق الحروف،  
سأغادر العالم ، إنك كل شيء وكأن الوداع خلق من أجل  
لقائك...

هم يجي يوم ونرد

أنرد لهننا

وما تظل حرثة درب عاثورة وتطرز زمنا

ونستحي من الطوش ما أثر أملنا

چنت أضم وجهي أبجفي

عيني دمعات الوكت

مخني عمري من حملنا

آخ أدروب الرباط  
أتروش أخوتي  
كلها اهلي  
موش غربة هما منا  
چان أبو الأسود أخوتي  
چان بيرغ عزتي  
أعگال أبوي وشيلة أمي  
ريجة البصرة وحزنها  
أيرد أملنا  
گتلي نرجع  
أنشوف تالات النخل  
والتمر كل التمر أبريم چنه  
مأريد أدروب سدي أتشگ عباتي  
وأزرع العلگم وأگولن هو منه  
تدري حنة الفاو حنه

تدري صوباط العنب شكبن حزن وينوح ونه

آخ يا ريحة وطنه

چان نسمة هوى أعذيب

چان سياح الصبح وطيور أجنا

جنة جنة

جنة ريحة بصرتي

عين تربي أعلة المغايز

وعين تربي السوگ حنا

عيني تربي عل المضاييف

وعل الفناجين التغيي ألها رنه

يا عمت عين الليالي التشكي حالي

ما تسلنا

شنهي أديار الغرب أوطان هنا

هنا في من البواري

ريح وإعصار وهضم

شكبان شلنا  
منهو أيردنا الوطننا  
أحاه بالعايش بمنة  
وين أخوتي وين أهلي  
وين جيران الوكت ألمنا قننا  
وين شمعات العرس  
غنوة شمس  
زفة أكحيلة ونغني كلنا  
أنغني هيوة كاولية  
أنغني بستة الما سمع خلة يسمع  
غنوته ولحنة وفنا  
شنهي يايوم أنتهينة  
أهنا أبسدني هم يمر عيد  
وگمر ويرد عمرنا  
بلكي يرحمنا الوكت

وعمري بالسبعين وجة  
 ما عرف بس الظلمنا  
 ليلى بس أهوم أغزل  
 سدي نار ولهب خلنا  
 نار صرنا  
 هاي تالية غزلنا  
 شلون تغفه أعيونا  
 وماي لگاح الوطن ييرانا  
 وين دولبني الوكت  
 أنسة العراق وكل حرف منا چتلنا  
 أشلون نسيان العراق وهو منا وحننا منا  
 أشلون نسيان العراق وهو منا وأحننا منا  
 هو منا أحننا منا

## الراح راح

طابت الجروح ، ولكن لا أنسى من جرحني ، قمة المأساة أن  
نشاق لمن لا يشاق لنا ، قمة الضياع أن نكتب لمن لا يعرف  
القراءة ، ونبيكي على من لا يملك دموعاً ، لمن السماح للأيام  
التي ضاعت... لن أسامح...

جاي من تالي ولك تطلب سماح  
جاي من تالي تگلي الراح راح  
خلي نبداً من جديد  
خلي حبنا أيصير غبشة لكل صباح  
الراح راح  
راحت الدنيا وحت أحسبها غلطة  
أحسبها عشرات الوكت  
أحسبها عشرات العمر

خل نستراح  
 الله يا لحن الحزن  
 لحن الربابة التاه  
 وي أسنين عمري اخلصت أبنوح وصياح  
 أتريد تندة هالجراح  
 نكش أيدك كلشي عندك مستباح  
 آخ وعيونك رصاصة أبلا سلاح  
 جاي تطلب طيب أهلنا  
 بديرة الغربة وظلام  
 أمحزمة وكل شي بيها  
 الراح راح حشت عمري  
 حشت عثك أبريم غربة  
 وهسه أتكلي السماح  
 يا مناحة دمع عيني  
 يا سماح



السماح أيرد ألي أعيوني العمت  
 لو يدليني طريقي البيه همت  
 لو زماي الخان بيّة  
 صرت مجنون وهمت  
 لو يردلي أيام عمري  
 لو ينسيني الهلاهل طاح طاح  
 صار مكطوع الجناح  
 أدري بعيونج أو كاح  
 صرت ديرم زفتك  
 أنغيب عصريه ونواح  
 راحت أعيوني وظلام الليل چلچل  
 فرفحتها أعله الدروب  
 وزعتها بصمت سكتة للغرب  
 قسمتها أو ما عرفهم  
 مو گرب

هم تردلي الانتظار شوف حالي  
 هم تعوضلي سهر ذيج الليالي  
 الضاعت الغبشة عليها  
 وشكنت لوعات هجرك  
 وضيم فرگاك الجراي  
 سنين لوعات ومرار  
 وچنت أغلس بالمحطات البعيدة  
 أستحي من صوت أهلي ينشدوني  
 ها ولك صار النهار  
 يا ورد جوري وبنفسج  
 يا عطور الجلنار  
 شنهني صار  
 ما تگلي شنهو صار  
 روح أنسی  
 وعطب أغلیبك أبنار

أردس أبحر كة وشماتة  
وشيل بيرغ الأنتصار  
لا تفكر شنهو صار  
أنتة ذاك أنتة نبع ماي وزلال  
ماي دجلة والفرات  
غنوة البلام من يحضن حبيبة  
وصوت ناي الحضن جرحي  
راح ينشد للديار  
وهم ترد لي شنهو صار  
الصار.....صار  
شلون أسامح  
شلون بالسيف الچتلني  
دمي يجري وبعدة حار  
ونصبت ديوان حزني  
والدمع ترس أنهار

ما حوتني دروب بصرتنا ولا سجة المعقل  
صرت تايه مالي دار  
وفاحت الغبرة  
نذبها أكلة الوكت  
الصار صار  
عوسرت لعبة أقدار  
وك شنهو أداوي  
شنهي وحدة أثنين  
لا تسطري سواف الأعتذار  
ولا تظل تشرح أعدار  
أسرار أسرار  
روح أجرعت الصبر  
وأعرفت هذا القرار

## علمتني

يا من جعلت هواك قصيدة كل السنين وقافية البداية  
والنهاية ، يا وردة حبي والطفولة ، يا نجمة صارت بقلبي  
قمرًا لا يغيب ، يا غيمة شاردة منذ آلاف السنين ضحكة  
الماضي والمستقبل ، أخبرك للشمس شروق آخر...

علمتني

شعلمتني... علمتني

سولة غبرة

علمتني من أشوفك أصعد السابغ سمة

تبقى عيني أمسلهمة

تدري طب بيهن عمة

أرد أحضنك أرد أبوسك

أشما تكون الدنيا أهية

خلها دنيا أمدلهممة  
علمتني سوله غبره  
سولة المفطوم من أمة وفگدها  
شلون ياهو ألي يردها  
علمتني النار نار  
تاكل اليباس والأخضر  
منهو اليگدر يصدها  
والبعد تنور أوجر  
أنا تايه بين سدي  
وبين نيران المحبة  
أدرې صعبة  
أمضيع وتايه أبدربة  
يا ثگل حمل الحملته  
صار سالوفة غجر  
غنوة غجر

غافي أبصفصاف گلبه  
آه يالطبعك ردي  
بيرغ هضم  
وش بقى من العمر ألواث غضبه  
أدري چلمه بخت گتلي  
أحلفتلي  
أحلفتلي بشوگ بصر اوي يخايب  
تدري ياهو التعب مثلي  
أشلون بدروبچ يبصره  
ديرم البرحي مسچ أعشوگ نخلي  
نخلي ذاك الباقي واگف  
اليلم عشاري يسري  
وآنا....آنا  
آنا سالوفة عمر  
مره ياخذني العشگ صوباط أهلنا

العمر خلص أبونة

تاه منا

مدري حط أيّا محطة

بعين صلفة أيواكح وأيامة غلطة

علمتني الناس بيرغ

كلها ورطة

علمتني الدمة سنطة

گتلي صفصاف الحبة ثمره طيب

مثل شبوي الحبة

وگتلي گتلي

وكل شئ گتلي

گتلي اجيلك طيف هرفي

تدري عيني ما تغمض

سلهمت صدگت حچيك

بلكي تغمض بالغلط



بلكي ياتينا الدفو  
تالي كل ذيج السنين  
زرعي تاليتا سرو  
گلت أغمض  
أغفه آنا بحضن أمي  
لحظة وحدة  
الله چاوينه اللهب  
لهب فرگه لهب عطاب وطفو  
آخ ياروحي أحتترگتي  
يل عشگتي  
تهتي تهتي  
لنتي أول لنتي آخر  
لنتي ذيج الي صبرتي  
تالي فوح الماي صبرتي  
أنتي يم نفس العزيزة

چنتي شانيل الورد  
 وين رحتي  
 أنتي شمعة أتور أدروب الحبة  
 والمحبة كلها أنتي  
 بشري يا طلعة شمسنا  
 السولفت أسطور قصتي  
 هاي تاليها كصب بردي  
 تحيتي  
 هاي تالية العذبي  
 آنا تايه ومنهو اليندل حرثتي  
 آنا بن شط العرب برحي نخلتي  
 آنا حنة الفاو  
 يا جيكور سولف  
 شعلمتني  
 علمتني الجرح ما ياذي الغريب

أتضمنه لية أيصير حصتي  
وختمت الموال بديار الغرب  
هذي قصتي هذي قصت  
علمتني أدور بينا الأسطوانة  
هاي دنيا  
يوم صاعد يوم نازل  
وش لفانا  
ليلنا أصبح دهر  
راح من عدنا ضوانا  
يا خسارة منة الغربية علينا  
مدري ياهو أليّ أشترانا  
زفة الغبشة والمبشرة هلاهلها أبسمانا  
علمتني ما أطيح  
علمتني جرحي غافي ما يصيح  
والريح يا عكد المحبة شوگ ريح

گلي یمته أستریح  
 شایل أعله متونی دردی  
 کل ظلام اللیل چودر  
 ونته ناگوط شحیح ... وین الصحیح  
 آنا الصحیح ... أنته الصحیح  
 لو دربنا مستبیح ... وین الصحیح  
 غمگت بیه اللیالی بین لوعة .. بین حسرة  
 آخ تالیها طریح  
 أتنة میعاد المحتم  
 المحتم آخ المحتم وکیح

## هلهوله بعد الخمسين

أيتها السفينة المبحرة في غياهب السراب بلا أمل ، إنها في  
سطوة اللانهاية وعاشوراء الأيام... تبحر بلا موانئ ، شراعها  
كلمات رنانة ليست من بوارق الضياء ، ولا تمت بصلة  
للبنفسج...

إشلون يا لبصرة إنتعاب

لو أبد ضاع العتب

نغني موال الحزن

نغني هيوه<sup>(١)</sup> إبصوت بصراوي... ولحن

صوت يصرخ من بعيد

ناي تومان<sup>(٢)</sup> إبشجن

---

(١) الهيوه : نوع من الرقص الجنوبي يعتمد على العزف.

(٢) تومان : الإيقاعي من الشخصيات الفكاهية البصرية.

إنغني يِّمَّ سورين<sup>(١)</sup> يِّمَّ جسرو...! المغايز  
 بلجي إيذكرنة الزمن  
 يا وكت رجعة لأيام الطفولة  
 بس أشوف أوجوه أهلنة  
 القاست إهموم... ومحن  
 هم بعد چلمة الخوية ترن علينة  
 لو صفت دنيانة غبرة  
 إمظلمه إبليل السجن  
 هم بعد يوجد رفيق إيحن عله أيام الغصن  
 راحن أيام وإجن  
 يوم چنه إنخي إدروب المحلة حنة حمرة  
 نكتب... إنخط الشعار  
 موش چلمات النحطه... نار كبرة

---

(١) سورين : نصب لساعة قديمة تشبه ساعة بگ بن اللندنية ، في عشار البصرة هُدمت وإزيلت.

چانت الدنية كريسنال وذهب  
 وچان ديوان السلف  
 كلهة زلم ما باع سرّة إشكبر صبرة  
 إشوسع صدرّة  
 آخ يا بصرتنة گمرّة... الدنية گمرّة  
 آخ درب الفيصلية<sup>(١)</sup> آخ يالشارع الخامس  
 إشلون تنسة إمحيتي  
 وآنة ألك ضحيت عمري  
 فرفحيته بين أوراق المحقق وسوط سري<sup>(٢)</sup>  
 هاي تاليهة إهطلت من مزنة وحدة  
 بكل سواليف النضال... إحتار أمري  
 وتاه فكري

(١) الفيصلية : منطقة سكنية بناها الملك فيصل الثاني وسميت باسمه ثم غيّر اسمها الى محلة الجمهورية بعد ثورة ١٤ تموز عام ١٩٥٨.

(٢) سري : أحد رجال الأمن الذين كانوا يعذبون الشيوعيين ، معروف في البصرة.

صدگ ذیچ إشموعنة وبستاتنة چانت خداع  
 وصدگ دمك ٲه الشهيد ما حنة گاع  
 آخ ٲا ویلاخ چا وین السباع  
 آخ ٲا ویلاخ چا منهو السباع  
 منهو طاح... منهو صاح  
 صار بالعشار موت إبلا وداع  
 آخ ٲا ویلاخ ٲا مرزوگ<sup>(١)</sup> شنهي المستطاع  
 آخ ٲا ویلاخ ٲا مرزوگ... موگتلی  
 الزلم سیف وشجاع  
 آخ ٲا نعناع... ٲا نعناع موگتلی ٲطارق  
 منهو خان ومنهو باع  
 ومنهو مات ومنهو ضاع  
 لا... سفینه المشت بینة آخ چا وینه الشراع  
 لا الحله<sup>(٢)</sup>... ولا الرمادی لا... ولا سجن العمارة

(١) مرزوگ : عضو محلية البصره للحزب الشیوعي العراقي.

(٢) الحلة والرمادی : هما من السجون العراقية.



وإنمحه سجن القلاع<sup>(١)</sup>  
 آخ... تاليهه صفت وصلة جريدة للجياع  
 إمبراك... السجل بطولة  
 وباع كل شي وصاح باع  
 هاي تالي المستطاع  
 وي عمت عين الوكت... صدگنة بيكم  
 ضحينة بستان العمر وكلشي شاع  
 صرنة... صرنة تايهين  
 لو إيسدني... وبالسويد مثل الرعاع  
 راحت أيام الطفولة  
 وضاعت أحلام العمر  
 راح ي(ابراهيم عوده) كل عمرنة  
 راح ي(باسم الغاصد)<sup>(٢)</sup> كل فرحنة

---

(١) سجن القلاع : سجن نكرة السلطان.

(٢) إبراهيم ميزر عوده ، باسم عبد الرزاق غاصد ، من أصدقاء الطفولة ومن الشخصيات الوطنية في البصرة.

بالسجون وبالقلاع  
وهاي تاليهه وسافة  
نشر ونحصد ضياع  
كلشي ما حصلنة منهم اليوم بس چلمة وداع  
وطاح من إوجوه ذولاكة النسونة كل قناع  
هاي تاليتة النضال  
بس حچي ونشرة تداع

## تعبتني

لقد أعطيتك كل شيء ولم تعطني شيئاً ، أسكنتك قلبي  
فأدميته ، وقد سقيتني الغدر ، طعنتني في الظهر ، أمضي  
وحدي لا أريد أن أكلم أحداً ، النهار موحش والليل مقبرة  
مؤجلة...

تعبتني  
يلي گاعک بور صبخة  
غنوتك گولة أبصرخة  
عيونك الحن علية  
عذرک ولیل التجافي  
موش أنتة أمن الطويسة  
ولنتة من ألومبي چنک  
موش من حلوات صبخة

أنا متوهم أبصيري  
أنتظر منك حصاد  
أنته ثاري أمحبتك شلاي طلعت  
عاتبيتك  
هم عباي مثل باقي الناس تسوة أنعاتبك  
أطيح گطرة عرگ منك  
بلکي توعة وترتبك  
أعيون صلفة أمکحلة بغدر وخيانة  
والصلف يقی صلف  
ماکو حرثة وياک يل خان الأمانة  
تعبتني  
گلت مثل باقي الناس خليني أچن  
وفرشت درب العشگ وگليي حن  
صرت شمة أبليل هندس  
رحت أغنيك لحن

غنوة من أجروح قلبي  
بسته من ذيج الطفولة  
أمطرزة أبجسرة وحزن  
من گمت أنا أعله حيلي  
گتلك ولتخاف عونك  
أنست ذيج الدروب الضمتك  
أبتدي وياي الحياة  
بيدي أشعل شمتك  
وعرفت وياي ما تعني الحياة  
چنت بيدي أمسح دموعك  
أزرع الطيب أبربوعك  
صرت ماي الزرعك آنا  
أنته بستان ونبات  
ليمتة أتظل أبسبات  
أشتريتك أبجياتي ودموعي

أنته ما تسوة العتب  
عادليتك أنا أبروحي  
موش أبمال وذهب  
سنين مرت وأنا نوختني المصايب  
كل كتر منها صعب  
وهية عندك موش أكثر من لعب  
والله ما تسوة التعب  
والله ما تسوة العتب  
ضاعت السلة أبحملها  
ضاع وياها العنب  
راح من أيدي البرحي  
ما ضغت طعم الرطب  
تالي حرگتني الليالي  
أبنار برکان وخطب  
كلها أيامي عواصف

ريح تصهل بالغضب  
لا حنان الوجه يمك  
لا دمع صبت أعيونك  
أتريد تكتلني يخايب  
أنا ميت من زمان  
منين أشعر بالحنان  
يا هو اليمسح دموعي  
يحطني أبشاطي الأمان  
يا لحن شوگ ومحنه  
طور صبي عل كمان  
خلي أعيش بكثر هدمه  
هاي تالية العمر  
تعب وسهر  
أنا المدلل أعيش أبغير غبشة  
أحا كاتلني العطش من غير ماي

هاي تالية الوكت من غير راي  
شلون هاي  
تايه أبصحراء أمشي أبلايا شوف  
سيفك المسموم ييرج  
ناوي چتلي  
تعبتي ... تعبتي

٢٠١٣\١٠\٥

سیدنی - استرالیا



## الشهداء الأبطال

أولاد عمي الشهداء الأحياء... لك يا كريم خلف داخل... لك  
يا رعد عبد الجبار خماس... للأبطال تبطل الدموع والأحزان..  
شهادتكم حياة وديمومة ، أبدأ الشهادة كتاب أوراقه مفتوحة  
لا تغلق... لاتنسى سطورهِ ، إنكم لستم أمواتاً ؛ أنكم أبطال...

كريم أیضم رعد وشفافة ذبلانة  
یگله الموت خوية بعدة ويانة  
بعدنا أنغني موال العشگ بصوات خجلانة  
وبعدهي الكاع تصرخ حیل عطشانة  
بعد كل الدروب أمسددة الیبيان  
ومحد بالزلم أیگول هذا آنا  
وكل الناس تصفن دوم سهرانا  
صدگ أمی الحنونة أسنین حزنانة

ومحمد فك حزنها وذكر أخوانه  
 تحلم يوم أهى بعروسي  
 تزفني بلهفة فرحانة  
 زلنا أمخزمة أبزينات  
 أبهور الغموكة أسباع تلكانة  
 فخليها الفشك خيمات  
 ونخلي أرواحنا شاحور  
 تظل أهلهل الدانة  
 بلكي تطفة نيرانة  
 وتدش زفة حمد ألنا  
 سرج مهرة حرير  
 أمطرز أومعروف عنوانه  
 أشكتر تصبر تراهي الكاع  
 الشهيد أیظل علم شامخ  
 من فیض المحبة التجري بدمانة

صدگ يا خوي ضلعي أنكسر بيبانه  
وصفت ذیچ السولف نوح  
والغربان بركانه  
زلنا غلگت البیان  
أهناك أبعد تنانه  
أتبدت كهوة الدلة  
ولا طيبة تفوح بركن دیوانه  
وفراگین العشگ ضاعت  
نام الریل عل السیجة  
وفراگینه غفت وضاع نیشانه  
وخشل أختي أبچف دلال  
أنباع أبرخص أثمانه  
تظل أعیونها تدمع  
حزینة أبهضم غرگانه  
نیشان العرس ینباع

وهيه أبزود نيسانة  
أختي تستحي ومتگول آنا أفلانة  
أهو اليمته خشل أختي يظل ينباع  
أختنا بالحزن والضيم  
وأهي هلهولة بلسانه  
بعد ما صارت الزفة  
ولا غبشة تدگ الباب  
تطفي عطش جيرانه  
هم أمي بعدها أتروح  
الحنية أمعدلة أشلون تعبانة  
صدگ ادموع أم منذر  
تنور أو يوچر لهب نيرانة  
وسلامة الحبيبة حلوة الحلوات  
نست أتغني ألحانا  
غريبة الناس ما تعرف بعد معروف

وأوراق الحدايق صفر ذبلانة  
 يا نبع الزلال الضاغ ملح الزاد  
 حگها الناس ميگدرون نسيانة  
 شرف ألنا نلوذ أبفي عتبته  
 ولهب أركانة  
 أعذيبي يا غصن نعناع يا نعناع  
 يا بيت القصيد أبطارف ألسانه  
 يا رعد أو كريم أسم الشهيد أيلوگ  
 أولاد العمام أغماگ همرانا  
 كريم أويا كريم الجود هرفي أتموت  
 أيزامط عل مشانق حار سجانة  
 أنتة والثريا أمعلي فوگ الفوگ  
 وتدری بالسفينة أترید سفانة  
 رعد جبار يا دره شذر الماس  
 برجلة للشهادة أیگود دفانة

نعم نعمين هما يا عمت عيني  
زلم تاج الزلم منهو اليصل شانة  
هذولة أهما ذهب تيزاب ما يصدي  
هم شايف ذهب أيجون خلانه  
أهم أنجوم وسط أكلوبنا تزهي  
يا نعم الرجال أو بيرغ أوطانه.

## عتاب للسبعين

متى تهدأ الروح وغيوم السراب لا تمطر... لن أنس تعذيب  
السجان الذي يحمل شارة تعترف به إنسان... لن أنس  
الضلوع التي كسرت وشفيت لحالها... كيف تهدأ الروح إن  
وجدت روح !!!

هيدي يا روحي ولج بس إستراحي  
والوفة سولة حزينة  
كافي أطشن بيه بدروب المدينة  
وتدري كلهة الناس گالت وش علينة  
والوجوه إتبيع بية بس تعالو  
ها ولك والله إبرخص من يشترينة  
حتة صوت البلبل الطيب  
صبح أخرس حنينة

كافي... يا روعي العتب أعمة  
 وكل ساعه توج النارما يخمد حچينة  
 البينة... بينة  
 ضمي ضيمچ حتى صندوگ  
 العرس خله يچينة  
 وأنتطر ساعة السورين<sup>(١)</sup> تعلن  
 رگصة الهیوة<sup>(٢)</sup> إعله صوت الناي  
 من تومان<sup>(٣)</sup> وينة  
 صوت مهدي<sup>(٤)</sup> إيروح  
 واهيعة تطگ نوحه وينة  
 يا حسافة روعي التاهت  
 علة البيان بالشرجي... إلتقينة

---

(١) ساعة السورين : ساعة قديمة في البصرة هدمت.

(٢) هیوه : رقصة بصراوية.

(٣) تومان : فنان شعبي يعزف الناي في الشوارع.

(٤) مهدي : مجنون يطلق صرخات مميزة يعرفها أهل البصرة.



هيدي روحي وخلي كل الفات فات  
ولا تشمتي الليالي السيفهه يقطع إدينه  
ماكو واحد صاح يالعشار  
يا ناس إنسبينة

شنهي هل النومه ألفت كل الطوايف  
هوه چا هوه الشرف يوليدي وينة  
هوه گولة مستحه إبلحظة إستحينة  
لا... ولك ييني عمت عين الوكت  
الما عرف قيمة ولينة  
وصرنة سالوفة إجلگ خرگه وعجينة  
لا... ولك ييني وأگول الكاع گاعي  
وحتة ماي الهور والجولان تذكر ما نسينه  
نذكر إعتوگ النخل  
إبريم... برحي... ردنه بس إتصیح  
هلولة عراضه إتوچی... لينة

المات أبوه... إيصبح بوية  
 المات أخوه... إيصبح أخوي  
 والبيارغ شيليهه لحد السمّة  
 إتصبح عونّة..  
 وينة... وينة  
 وينة هوّه أول بيان الصّاح بالغبشة  
 وذكر يومّة وسنينة  
 وينة هوّه هيدي يا روعي الكباحة  
 أدري حقّ  
 وأدري هدمّ الذلّ ماهو علة گدّج  
 وأدري ذاكة المات منّة  
 إتلوگ إله زفة عرس... والزفة زينة  
 ماكو کافی إنگول عنه إهوه شهيد  
 أنخلي كل إحروف إسمّة سندیانة  
 وي عمت عين الوکت الما حفظ تفاگ ربعة

والوطن حنة الوطن غافي ونسانة  
يا حسافة إشموع زفتك تنطفي  
والياس إيجف إيمجانة  
هيدي يا روحي إشكتر لچمات بيچ  
والگلب حتى الگلب عطب مچانة  
وأصفت ..... شنهو آنة  
آخ يا روحي إشكتر وكحة ؟؟؟؟  
بالسراب ألما لفانة  
ونهدى ترجية محبة لكل شهيد  
الطاح منه وصاح يا ضيم الولانة  
مدري إحنة إنودعه... ودعانة  
مدري هوو الشهيد  
مدري إحنه من زمان الوكت موتنة وخذانة

## هلي

هلي ريحة الطيبة الدائمة ، عطر الورد الذي لا ينتهي ، شعاع  
الأمل الذي لا يغيب ، صوت الحنين الدافئ ، الخيمة الكبيرة  
الواسعة التي صارت الزمن وبقيت خضراء يانعة بصفحة  
الزمن الغابر ، أصحاب الغيرة، قواميس العطاء التي لا تنتهي ،  
أعذروني لا أملك غير قافيتي ولا خير فيها إذا لم تغني لأهلي ،  
ستبقى هامتي محنية لكم ولذكراكم ما حييت ، إنكم أهلي...

هلي دلة الكهوة أمعطرة باهيل  
ليرات الذهب هم عين الكلادة  
خميسية الأصل من أل لازم طيب  
يا شيوخ العشيرة أسيوف هدادة  
چالي بالسلف درة ومجة وخير  
وچوال العشيرة البيه تنادة  
هلي وعيوفهم ما غمضت أعله ألشين

سادة واليدشهم يا خذ أمرادة  
طيبة أولاد چالي أمعزبين الضيف  
روح أسأل عربها وأسأل أكرادة  
أمخيطر من يدگ الكاع تجدح نار  
مكلف فارس و معروف بزنادة  
خماس من يطب ديوان كلها أتگوم  
هامل البخيت أسباع أولادة  
فرحان السيوف ألما يردن دوم  
كلها أسيوف تلمع دوم كالعادة  
كل الداى تشهد والسلف والهور  
زلم بيرغ عراضه گدها وگدادة  
أبوي ألما يطخ الراس من تظلم  
هو ريحة مسج وبخور وزيادة  
جبار الورد نسرين جوري وياس  
جبل شامخ يصد الريح بگدادة  
عمامي والنعم أشراع ضد الريح

عد عيناك كلها أسيوف صيادة  
 لعيبي ذهب صافي وشذرة الجلاب  
 أهو چف الصنايع أسأل أستاذة  
 جاسم بالعراضة من تدگ أطبول  
 سيوف أرماح تصلي أصدور أفرادة  
 جابر يل مضيف أمشرع اليبیان  
 گهوه والصواني آمتسسة أبزادة  
 عربي أبو فرج هيعون من خاواه  
 ما تخفي فشگتة أتنام بفادة  
 عمور الحنين ألما ترك ألدیار  
 ظل بقلعنة ومعلي أمجادة  
 عبود أبو یحی شیخ نتعناه  
 بس ینذر یطگ الخیر ببلادة  
 شیخ أشیوخ لازج کلها تتعناه  
 عبود النعم بی ریحة أجدادة  
 علاوي أبجیاته ما یرد مظلوم

دنيا ودين كلها أشهود تقتادة  
 جبار الحبيب ألالوه چف العظيم  
 رزاق المحنة ألبيه تتهادة  
 ناشي من يطب للدار عتبة خير  
 يطش فص الملح بعيون حسادة  
 جاوي أمعدل ومزيون صورة وصوت  
 أبو منذر نجم يل رادئة رادة  
 عربي أجيوش تدمر ما يههمه الموت  
 قانون ورجولة أسيوف طروادة  
 عسكر من يصيح أبصوت كلها أتگوم  
 لا تسأل الجندي أسأل القادة  
 زكي أنشد رفاقة دوخ التحقيق  
 شب گلب المحقق نار حدادة  
 أبو سرمد أمعدل نشمي زين أرجال  
 أخو خيته شهم ما خاف جلادة  
 كلها زلم خشنة أسأل التاريخ

عمامي وخوالي أشيوخ ولادة  
 سالم بو هناء يا غوس يا نشاب  
 من ثور الدانة شليع وطرادة  
 أجواد السبع من يهد هدت حيد  
 أيخلي العدو ينسه الطاء من ضادة  
 حكمت الحبيب عذبي نسمة صيف  
 ما يعرف عدوه ومنهو الفادة  
 صبري والنعم نعمين كلها أشهود  
 يذكر كل أخوته أكبار وأحفادة  
 سل شط العرب ياهو العبر مسراه  
 مهيلات وسفن والروج هداة  
 حنين وگلب طيب ما يضم الراس  
 أبو رستم أمعدل شيخ للساة  
 أنشدوها البواخر والسفن وبحار  
 ياهو الزارع الطيبات برمادة  
 فرج فنان تصفن من يخط أحروف



يخلي الحجر ينطق يصيح يادادة  
 تعمة العين يحيى من يمر طرواك  
 يا زين الشباب وتاج أسيادة  
 لايد ولك خوية ماتت الجلمات  
 حتى الحرف يبجي ومحزن أنشادة  
 من يوم الغبت ما تغمض العينين  
 أبو أيناس درة ملوك تعدادة  
 فارس والنعم فرسان مو واحد  
 ابن الشيخ صبري هرفي ميعادة  
 أشگ الثوب وأصرخ عل الشباب الراح  
 يعمي موش فارس صدگ گصادة  
 شاكريل عزيز وشمعة الديوان  
 كل بغداد حزنز دورة كراة  
 مدحت وبغدر كتلوه هل أنزال  
 ماتت الأبتسامة وغابت أعيادة  
 رغيد ألماس يلمع عيد وهلالين

كل الشام تذكر طيبة أورادة  
 رعد ما مات تشهد لاه سهول أجبـال  
 عرس وعيد من علـكولة لشهادة  
 ليث السبع عمي أبد ما ننسـاك  
 يعط هيل ومسج بتراب أجسـادة  
 نشوان اليموت غمها عمي الكـاع  
 الكبر منك يخاف وترجف أوتـادة  
 أمعرس بين أخوتك نعم هل أخوان  
 بيرغ للعشيرة أبطال ومجـادة  
 رحيم أيموت غم الموت ما يرحـم  
 ثاريها المنايا أبزرعة حصـادة  
 فيصل والنهاية أمفصلة تفصـال  
 شنهـي الحصلة وشنهـي الذي فـادة  
 شفا في أمطبـكة أرعن تراه الموت  
 أيلـگط بالأحبة أيريدلة أزواـدة  
 هلي أنتم الدهلة من يشـح الماي

زلال الماي أنتم موش الأركادة  
هلي يخسة اليگول الدلة بردت يوم  
معاذيب السلف خطار گصادة  
خميسية اللوازج والشيم عنوان  
نذكرهم يهل الكمر وأعيادة  
خميسية اللوازج درر يالماس  
ذهب تيزاب أصلي موش البرادة  
خميسية اللوازج أحوال وچويلي  
سلاطين وشيوخ أعلام بغدادة

٢٠١٣\٥\٦

سيدني - أستراليا

## قطار الموت

تذوب الشموع قرباناً لكم ، ويمضي قطار العمر وأنا أحرق في  
جرائم عصر التتار ومغول العراق الجدد ، كنت معكم ربما في  
القاطرة الأولى وربما في الأخيرة ، لكم ولي وللتاريخ يبقى قطار  
الموت وصمة عار وتذكارات مناضلي الإنترنت والفيس بوك بائعي  
المبادئ أصحاب صكوك الخيانة...

أنتة من ملكاك باب  
درب للمجهول وطبول النهاية  
والبداية... كلها أتصلي البداية  
والنهاية للنجوم الخضبت قصر النهاية  
باب للمحراب  
وآلاف الشباب  
ألغنت بأروع نشيد  
غير شوفك ما نريد

كلها عنوان الشهادة  
تطمع الاسم الشهيد  
هلهلت عند المخطئة  
چن لفاهها اليوم عيد  
فدوى ألك أذار كلنا  
خلنا ننزف دم جديد  
يا قطار الموت لا تنسى الأحبة  
وتنسى وگفات الرجال  
الحت الحيطان دم  
تنتظر يوم المحال  
ما يجي أبلحظة وحزن  
صار صورة من الخيال  
تبني القلعة برمال  
نصلي رگعة من أجل خطوة منال  
للسهول وللجبال

لنگرة السلمان و عيون الرفاق  
يا قطار الموت ماتت الابتسامة  
بين أوراق المحقق  
وبين تسفيرات شرطة  
صرختك زفة عرس  
يخسة كل من غال أنتة سجتك موت وسجن  
چم حمد صلى أبعبتك  
أقسم بطيبة تربتك  
غزر أبرو حة الملح  
چان عجان الخبزتك  
يقسم بكرة نعمتك  
ما يخون ولا يخون  
وما يوقعها البراءة  
وينطق أحجاية أساءة  
بيك شبل الشاكرية

بيك حيد الكاظمية  
بيك خالد  
بي قتيبة الفاحت أطياة الزكية  
كلها معروفة الهوية  
أحاه غمچ يل منيا  
يا صلاح الدين يا بو أفراح  
ما خنت القضية  
أبنقرة السلطان تاليها ضحية  
أشباط يشهد  
أشباط صرخة بين  
لهولة حزن حطت أبابي  
ما رهم غيرك زبون  
عگال ومطرز شبابي  
يا قطار الموت ريض أرد أسولف  
أوگف وأسمع عتابي

خل أغنيك لحن شوغي وعتابي

خل أسولفلك عذابي

تدري تدري منهو أحنا

أحنا شجعان القصر

قصر النهاية

چم بطل صلة أبتربة

ضحى أبزهره شبابة

وما نطق حرثة أصحابه

سولف التاريخ مابيه الكفاية

أحنا أوراق المحقق

بيضة تبجي وما درت شنهو الحجابة

أحنا الكريمات ... دبابات

ما خافت زلنا

أحنا أحنا

سجل التاريخ عنا أبتسامة



وذهب أحروفه بعلامة  
ليلو أمعدل كلامه  
وينة ألي نادة أمة وگلها عونچ  
ينتظر فزعت عمامة  
يا قطار الموت نوصل بالسلامة  
نغني للريل وحمد  
نگصد أم شامات ونطفي هيامة  
كل زلنا من النشامة  
والله أندوب حديدك  
وما ندوب  
أنعلمك معنى الشهامة  
كل يوم أتمر قيامة  
كلها ترفل بالكرامة  
من وصلنا للسمائة أعيون تبجي  
أعيون تضحك

كلها حيتنا أبخفاوة  
 عيون أهلج يالسماءة  
 أسيوف تجدح  
 أتغني تفرح وجوه طرزها الوجوم  
 بقاطرة الأولى الشريا  
 والگمر بالثاني يضوي  
 بكل فراگينك نجوم  
 نورت حرثة المحطة  
 وأنجلة منها الهموم  
 وحضنت شمس الرفاق  
 لا سراب لا غيوم  
 شوسع صدرك يل رحوم  
 سجل التاريخ قصة  
 قصة سجلها الزمن  
 سنين أجت وسنين راحت

نذكر أيام المحن  
چنا أمعرسين موش أحنا بسجن  
والله أمعرسين مو أحنا بسجن  
يا قطار الموت يا تاريخ الأسود  
كحل بعيون الأحبة  
مديرم وأذار يشهد  
شعبي بيكم كحل مرود  
كحل مرود

٢٠١٤\٦\١٩



## فهرس القصائد

١. العرس المندائي ..... ٧
٢. ليل دفو ..... ١٦
٣. سفينة بلا شراع ..... ٢٢
٤. أحياة عشك ..... ٢٨
٥. لاجئ ..... ٣٤
٦. اعترافات أمام برج بيزا ..... ٤١
٧. الطوش ..... ٤٧
٨. الشماتة ..... ٥٢
٩. الشوك الدائم ..... ٥٧
١٠. الغبشة ..... ٦٢
١١. المطر ..... ٦٨
١٢. مسج الأم ..... ٧٣
١٣. سيدي البرحي ..... ٧٧
١٤. الغريب ..... ٨٢
١٥. البصير ..... ٨٦
١٦. ما حجينا ..... ٩٢
١٧. الشهيد ستار خضير ..... ٩٧

١٠٣ .....	١٨. الغربية
١٠٩ .....	١٩. عيد الحب
١١٤ .....	٢٠. مزنة وفاة
١١٩ .....	٢١. أفر بالليل
١٢٣ .....	٢٢. دفعة ديمانة
١٢٧ .....	٢٣. رسالة لاجئ من سيدني
١٣٣ .....	٢٤. الحورية
١٣٧ .....	٢٥. بيدر حزن
١٤٣ .....	٢٦. نوارس الأهل
١٤٩ .....	٢٧. تنور أمي
١٥٥ .....	٢٨. تستحين
١٦٢ .....	٢٩. أغنية للطرشان
١٦٩ .....	٣٠. أم الشهيد
١٧٣ .....	٣١. انتظرتك
١٧٩ .....	٣٢. خلاها سكتة
١٨٥ .....	٣٣. اشتهيتك
١٩١ .....	٣٤. السراب
١٩٦ .....	٣٥. أنت مثلي
٢٠٤ .....	٣٦. تظن أنساك

٣٧.	جرف و شط .....	٢١١
٣٨.	حرثه و سواف .....	٢١٦
٣٩.	سرور .....	٢٢٠
٤٠.	ضاع المستحة .....	٢٢٦
٤١.	في مشفى ليفربول .....	٢٣٠
٤٢.	مزنة مطر .....	٢٣٤
٤٣.	ما أحب .....	٢٤٠
٤٤.	كافي .....	٢٤٦
٤٥.	ليش أحبك .....	٢٥١
٤٦.	ما أريدك .....	٢٥٧
٤٧.	نحك يا عراق .....	٢٦٢
٤٨.	الراح راح .....	٢٦٧
٤٩.	علمتني .....	٢٧٣
٥٠.	لهولة بعد الخمسين .....	٢٨١
٥١.	تعبتني .....	٢٨٧
٥٢.	الشهداء الأبطال .....	٢٩٣
٥٣.	عتاب للسبعين .....	٢٩٩
٥٤.	هلي .....	٣٠٤
٥٥.	قطار الموت .....	٣١٢



(+2) 01288890065  
[www.shams-group.net](http://www.shams-group.net)